



九國志卷七

宋路振撰

後蜀高祖自後唐同光三年入蜀至後主廣政二十八年國滅父子二世凡四十二年

世家

高祖

姓孟名知祥字保胤邢州龍岡人晉王弟克讓為成都尹克劍南西川節度副大使明董璋宗遇弒明宗立加封太原公長興三年破董璋兼有兩川為蜀王明年建國改元明德是年七月甲子薨年六十一謚曰文武聖德英烈明孝皇帝廟號高祖

後主

名昶字保元初名仁贊知祥第三子明德元年改廣政至二月十封秦國公越七日薨時年七歲追封楚王葬洛陽

列傳

趙季良	趙庭隱	趙崇韜	張業	武漳
李肇	李仁罕	李延厚	張公鐸	張虔釗
潘仁嗣	龐福誠	李彥琦	孫欽	何重建
孫漢韶	高彥儔	李廷珪	王彥銖	李奉虔
王昭遠	安思謙	焦彥賓	趙進	石處溫
孟思恭	申貴			

趙季良

季良字德彰濟陰人父胤唐穀熟令季良幼涉書史長于吏治尤善騎射王檀聞其聲辟為保義軍節度推官楊師

厚鎮鄴署元氏令徙魏州都督府司錄參軍後唐莊宗入鄴召見與語以季良有文武才畧即授大理評事依舊司錄參軍充義勝都指揮使軍中謀議多以認之時兵革屢興屬邑租賦逋久一日莊宗召至切責之季良對曰殿下何時當平河南莊宗正色曰爾掌輿賦而稽緩安問我勝負乎季良曰殿下方謀攻守復務急徵一旦衆心有變恐河南非殿下所有莊宗歛容前席曰微君之言我幾失大計自是益加禮遇遷興唐府少尹司錄參軍如故嘗夢手扶御座自謂輔佐之象繇是頗述天時人事以諷莊宗深納其言及即位授光祿少卿兼洛南水陸營田都制置使

明宗即位遷太僕卿會宰相任圜兼監鈇事荐季良為判官明年授檢校戶部尚書為西川官告使兼三川都轉運制置使知祥素重其名一見遂悅奏留為節度副使累表不許會季嚴來為監軍知祥深懷疑慮乃誅嚴而署季良為副使天成三年明宗下詔徙季良為果州團練使知祥匿其詔書密上表留之明宗不能奪遂允其請自是傾心接待情好款洽或入謁稍晚知祥必顧左右曰副使來何遲也及至則讌語竟日每有謀議無不見從時朝廷以夏魯奇李仁矩分鎮遂閬季良言于知祥曰朝廷增兵二鎮張犄角之勢將有不測之變也公處親賢之地以忠信見

疑倘失先機則禍不旋踵矣知祥曰計將安出季良曰我甲兵雖衆然而勢孤易動請與東川董璋合從先平遂閬則朝廷兵至我無內顧之憂矣知祥從之及王師入劔門而遂閬已平果無功而還及捷書至知祥匿之謂季良曰北軍漸邇奈何季良徐曰北軍至縣州已來必遁知祥問其故對曰縣師千里饋運不繼彼勞我逸不走何待知祥大笑以捷書示之及克黔夔二州以季良為武泰軍節度使董璋率衆入廣漢知祥領兵拒之季良留守成都制置經度軍用無闕先是季良嘗與知祥從容語及璋植性狼戾下多怨憤若堅守一城攻之難克矣及聞璋起兵知祥

憂形于色季良曰璋不守巢穴自來送死此天以璋授公也俄而璋果敗加檢校太保明宗崩知祥建號加特進守司空平章事弘文館大學士判三司昶襲位加守司徒領山南節度使行興元尹廣政九年卒年六十四謚文肅季良性寬厚居常無喜愠之色母早亡事從母如所生季札季友皆從弟也並真位清顯所上遺表言不及私蜀人題之

卷一萬八千一百三十六第九頁

趙庭隱

庭隱開封人世為鄉家庭隱少知兵律尚氣義始事梁祖子友亮因擊鞠墜馬死庭隱董璋等十教人皆追赴汴州

知其無過竟釋不問令給事左右末帝即位唐莊宗入鄴兩河對壘十有餘年時庭隱為邢州監都累立戰功節度使刘重霸嫉之誣庭隱將所部兵降于莊宗因械送汴州末帝知其非罪又重遣邊臣之請乃貶庭隱于南陽未幾追復舊職王彥章守中都庭隱在其軍中及彥章敗庭隱為莊宗所獲將以就戮大將夏魯奇奏曰此姪也其材可用遂釋之魏王繼岌討西川以庭隱為先鋒監押自入敵境即禁兵士燒廬舍剽財物蜀人德之魏王平成都錄其功奏授左廂馬步軍都指揮使知祥至蜀康延孝陷漢州遣庭隱率兵擊破之擒延孝檻送闕下知祥奏加檢校司

空漢州刺史因留屯成都長興初明宗將議伐蜀乃以夏
魯奇李仁矩分鎮遂閬以分其勢知祥令庭隱與李仁罕
張業率步騎十萬經畧遂閬魯奇堅壁不出戰會唐師入
劍門知祥急召庭隱令統銳兵五千至東川與董璋合軍
以拒之至中路大寒士卒不能前庭隱撫諭勞問將士皆
奮遂營于普安深溝固寨以養銳一日唐師奄至又分兵
斷三垂父水及土橋庭隱密遣軍中善射者五百人伏唐
師之歸路乃領軍出營久而不戰至暮唐師退庭隱縱兵
追之伏卒齊起表裏合擊唐師大敗初唐師之入劍門也
內有堅壁外有勍敵遠近震駭及庭隱之捷人心乃安知

祥遣使慰勞賜書以褒之明年別將平魯奇唐師至葭萌
而還廷隱班師知祥親勞于郊翌日至其第錫賚甚厚即
授昭武軍節度使留後以鎮邊葭萌知祥送于北郊親舉
觴以勸之在鎮踰月上言三泉餘寇盡去乞假一旅之師
以拓漢中及秦鳳之地知祥答書慰勉且令休息董璋襲
廣漢將攻成都時東川廩藏充寔部下多敢死之士其來
也衆皆畏之知祥親督諸將召庭隱為副以率勵士旅璋
遺書庭隱而詐達於知祥以書授庭隱投書褚中曰此必
反間之辭不足現也瑛擒董璋而後閱之與璋戰雞縱橋
前頗為所挫庭隱偽遁璋逐之知祥與公鐸領兵繼進璋

軍亂不成列庭隱復整陳與知祥公鐸合擊之璋軍大敗
斬首數千級璋領數騎遁歸東川為部下所殺庭隱追至
東川頓兵城下以待知祥梓州平以庭隱為節度使會李
仁罕自遂州至求領東川庭隱將讓之知祥以庭隱功多
且怒仁罕之貪復遂自領兩川節度使以庭隱為保寧軍
節度使以閬果蓬渠開五州隸之昶襲位李仁罕求搃六
軍將圖非望以庭隱為六軍副使以制之未幾仁罕誅改
衛聖諸軍指揮使明年移鎮東川廣政初加中書令庭隱
久居大鎮積金帛鉅萬窮極奢侈不為制限營構臺榭役
徒日數千計十年被病懇讓兵柄疏再上從之仍就第冊

為宗王經歲不能起賜肩輿入朝既謁見昶感動涕泣賜
金沃盥及繒錦加太師卒年六十六子崇祚崇韜卷一萬
八千一
百三十六
第十頁

趙崇韜

崇韜少驍勇有父風累從征討有功署副兵馬使及庭隱
卒昶以崇韜領聖諸軍使以襲父任廣政二年周師復至
境上昶以崇韜與控鶴指揮使袁可鈞同為北面招討崇
韜率勵將士行陣整肅士卒有點其額為斧形者號曰破
柴周師前鋒屢為崇韜所破至歸安而退二十七年王師
來伐崇韜與李廷珪等率兵拒之遇王師於漢源崇韜策

馬先登我師大敗崇韜力戰不止兵器皆斷折猶手擊殺
數人為王師所擒卷一萬八千一百
三十六第十一頁

張業

業開封浚儀人性沈厚有果斷事梁為東頭供奉官時兩
河兵革未息業頻領監護之任皆立戰功法令峻整士卒
畏之莊宗入洛聞業有幹畧擢為列校繼岌伐蜀以業監
先鋒兵補右廂馬步軍都指揮使蜀平以所步兵駐成都
知祥入蜀奏授檢校司空簡州刺史時蜀漢賊盜羣起燒
劫鎮戍百姓驚擾知祥遣業率兵捕之業令五家為小保
五十家為大保旬日之內擒獲殆盡討夏魯奇于遂州以

功授寧江軍節度使兵馬留後董璋襲成都業在夔州聞
之率所部赴難東川平正授節鉞加檢校太傅明德初領
右匡聖步軍都指揮使會武定興元兩鎮來附令業將兵
二萬屯漢水業至褒梁分布寨柵控扼駱谷秦鳳諸隘會
武定軍衙將與蒲谷鎮將任漢謙同謀導晉師入武定業
遣戍卒擊走之昶襲位改武信軍節度使同平章事是歲
昶殺判六軍事李仁罕業仁罕之甥也昶慮其為變詔歸
本道未幾召入依舊同平章事兼判度支新收征稅多為
主吏乾沒業作盜稅法犯者十倍征之吏民不堪其命業
多視事私第中宰相之門被程楷者常滿昶知之遽除十

倍之法業子繼昭好擊劍嘗與淨衆寺僧歸信同訪劍術
士右匡聖指揮使孫漢韶與業不協告業與繼昭同謀不
軌翌日令壯士就都堂擊殺之年五十七卷一萬八千一
百三十六第十

武漳

漳字巨川太原文水人父玉汾州別駕漳少勇敢善騎射
事莊宗為定塞都虞侯莊宗以全軍援澤潞漳與裨將數
攻其別寨斬首千餘級擢太原衙前兵馬使改匡聖軍指
揮使同光初從魏王繼岌入蜀因留成都知祥鎮蜀補衙
內右第二指揮使天成初漳與張公鐸迎瓊華公主於北

都中國兵革之後盜賊充斥漳披堅執銳通夕不寐至蜀
改左第二指揮使奏授檢校僕射其後東討果閭北拓劍
利漳屢有功授絳州刺史知祥開國改邛州遷山南節度
使漳以褒中用武之地營田為急務乃鑿大池以導泉源
溉田數千頃人受其利入為奉齋肅衛指揮使未幾改山
南加同平章事廣政七年卒於治所年六十四漳質厚儉
約所至有治迹俸入之外不營貲財蜀人稱之卷一萬八
千一百三

十六第
十一頁

李肇

肇汝陰人父璟唐神策兵馬使肇少以材勇從父征伐後

隸宣武軍補左建牙都頭累轉陝虢馬步軍都指揮使莊
宗平梁恢復河洛割宣武一軍隸于河東時知祥為北京
留守待之甚厚同光中以所部兵從魏王繼岌討蜀平
班師康延孝至普安叛擁衆回據廣漢肇在其伍中延孝
敗肇被俘而知祥親釋其縛擢為衙內都指揮使未幾奏
授嘉州刺史長興初我師圍魯奇於遂州唐師來援劍門
不守肇領兵赴普安以拒唐師不得進以功改漢州刺史
駐軍縣谷明年董璋率兵攻城都軍勢甚盛遣使致書於
肇諭以禍福肇素不知書擲之於地曰此不過勸我叛耳
因并其使殺之梓州平加昭武軍節度使昶襲位肇以足

疾不即時來朝昶怒罷其軍權授太子少師致仕於邛州
安置塚坎不得意廣政八年卒年七十

卷一萬八千一百三十六第十三頁

李仁罕

仁罕字德美陳留人少隸宣武軍為小校容貌瓌偉梁祖
為四鎮節度署為衙內昭宗幸鳳翔梁祖遣仁罕奔問行
在因修貢禮梁祖革命補宮苑儀鸞等使歷許蔡華三州
馬步軍都指揮使莊宗伐蜀令監先鋒軍知祥領鎮奏授
馬步軍都指揮使康延孝叛知祥命仁罕討平之以功授
彭州刺史遷蜀州夏魯奇鎮遂州稟朝廷之命繕治兵甲
將圖蜀知祥與董璋謀先討魯奇令仁罕攻遂州拔之以

仁罕為兵馬留後未幾承制授武信軍節度使又以所部
兵定三峽走夔將安崇院命仁罕輔政昶嗣位令判六軍
事仁罕奏幼主無隱情自以先朝舊老遇事必諫時控鶴
指揮使張公鐸內医韓繼勳豐德庫使韓保貞弓箭庫使
安思謙等皆昶在東府時舊所親狎素不為仁罕所礼皆
怀怨怒每譖仁罕欲納王衍妃徐氏為側室遂誣以姦昶
大怒俟仁罕入謁令武士擊殺之年六十二

卷一萬八千
一百三十六

第十
四頁

李延厚

延厚涪州平恩人父及唐邢州別駕延厚少有胆略善騎

射從父琮為涪州節度使率眾歸于梁祖延厚亦從焉梁
補左拱辰指揮第二都頭後唐同光中以所部兵從魏王
入蜀改馬軍右驍銳第一指揮使康延孝入漢州知祥遣
延厚率精兵二千會李罕往討之將行延厚集將卒于營
中誓之曰今出師征討不三旬必破賊乃立功圖賞之日
也士卒有誓國報恩不以家為慮者立東廂衰疾怯懦厭
為征行者立西廂無自苦也得請行者七百人遂延孝西
寨斬首百餘級竟拔其城以功奏授檢校右散騎常侍改
右廂馬軍都指揮使歷陵果州刺史源州衙押文景琛叛
延厚討平之岐軍逼文州延厚率眾赴援即日解其圍昶

襲位遷雅州刺史永平軍節度使未幾移鎮昭武軍廣政
九年卒年六十一

卷一萬八千一百
三十六第十四頁

張公鐸

公鐸太原樂平人父頊唐儀州兵馬使公鐸身長七尺個
儻有節義好文史之學知祥為北京留守錄為親從及出
鎮成都補為牙校從高敬柔迎公主于晉陽轉義勝定遠
都知兵馬使董璋舉兵襲我廣漢先鋒兵將至成都公鐸
率諸軍從知祥逆戰于雞蹤橋我師不利公鐸率所部兵力
戰直衝其腹璋兵大敗梓州平以功授簡州刺史遷奉
聖控鶴都指揮使知祥病公鐸與趙季良趙廷隱李肇等

同受遺命輔政祖襲位授保寧軍節度使為政戾猛寮吏
畏憚時承前蜀之弊獄訟繁多案牘堆積公鐸量其所犯
隨意裁決無不稱當在任六年民被其惠先是屬邑連歲
多逋租公鐸詰其由乃豪民捐胥乾沒賦稅時令佐已有
授代者公鐸悉勒止之令盡征其租而後解由是不數月
征錢糧數萬貫斛時論以為戾而不殘遷寧江軍節度使
公鐸馭下戾止宿衛二十餘年宮禁寧謐初染心疾祖憂
之為玉局洞開靈寶坛親署青詞以醮焉廣政八年卒年

六十二

卷一萬八千一百
三十六第十五頁

張虔釗

虔到遼州榆社人父簡唐檢校尚書左僕射虔少以武
勇事唐武皇莊宗之世累補左右突騎軍使莊宗嘗以偏
師取鎮陽命虔率騎果為前鋒屢挫賊銳遂陷其城明
宗即位以虔到有將帥才擢為隨駕親軍都指揮使歷遼
春二州刺史天成中鎮定節度王都阻兵連結契丹為邊
患命虔到為北面行營兵馬都監進討契丹殺傷甚衆虜
不敢南下遂圍定州百日而城陷斬王都降其餘衆師還
以功遷橫海軍節度使未幾移鎮山南兼西面諸州馬步
軍都部署應順初閔帝即位以鳳翔節度使潞王從珂有
異志發兵討之詔虔到為犄角師次岐陽人心離散降于

從珂虔到憤之乃退歸南鄭率孫韶以山南之地納款于
蜀知祥遇之甚厚委以節鉞袒襲位加中書令歷左右匡
聖馬步軍都指揮使出為昭武軍節度使及漢祖即位乃
移鎮梁州以現朝廷之變會晉昌軍節度使趙匡贊鳳翔
節度使侯益俱謀歸蜀遂以虔到為北面行營招討使應
接經畧戍而趙匡贊侯益請昶出師掠定三秦因命虔到
與韓保貞等搃師五萬出散關雄武軍節度使何重建出
隴右奉銜肅衛都虞侯李廷珪出子午谷會于雍州廷珪
始出子午谷聞匡贊為王景崇所逼棄城自拔東去遂先
退師時虔到福誠保貞師次陳倉謀不相協而侯益聞匡

贊已去廷珪班師亦誠款中變閉壘不出司天監趙延樞
累以雲氣候不利諷于保貞保貞惑之乃與福誠率所部
取隴州道會重建歸蜀虔留寶雞以勢孤不可深入遂
班師士卒夜發部位不整至興州自以功業不成感憤而
卒年六十六卷一萬八千一百
三十六第十頁

潘仁嗣

仁嗣浮陽東光人父庭訓密州都指揮使仁嗣少倜儻尚
氣起家為保義軍兵馬使後唐魏王繼岌西伐仁嗣以所
部兵從入蜀平改左右廂馬步軍都指揮使知祥受節
鉞留在麾下康延孝襲漢州知祥遣仁嗣率兵救之連破

數寨遂屯于漢州董璋與兵趨成都城外皆為敵境仁嗣
以所部兵陣于赤水璋以全軍二萬擊之仁嗣大敗以十
數騎潰圍而出身被十餘鎗卧于血中及璋敗獲免知祥
親至其第以藥敷之明德二年奏授武定軍節度使源壁
等州觀察營田處置等使之任卒于成都年四十六卷一
千一百三十
六第十頁

龐福誠

福誠河東太谷人少善騎射倜儻交結豪俠傾竭家產中
原兵亂福誠聚徒鄉里剽掠縣鎮知祥為北都留守署昭
為太谷主簿令招諭福誠因相率歸附從知祥入蜀補衙

內指揮使王師陷劔門從趙廷隱率兵據石橋福誠夜領
兵數百人循水次東北上山攻王師夾其腹背王師不虞
其至舉軍驚擾因奮擊破之以功遷茂州刺史知祥建國
加檢校右散騎常侍袒襲位歷資縣印三州刺史奉靈肅
衛馬步軍都指揮使會張虔釗經畧秦中以福誠為行營
馬步軍都虞侯克宝雞分兵吳山進攻隴州以功改左驍
騎軍都指揮使武寧軍節度使廣政十五年授衛上將軍
以目疾罷卒年七十一

卷一萬八千一百
三十六第十六頁

李彥琦

彥琦字子温京兆長安人本姓楊氏祖父皆隸神策軍彥

琦善騎射有權畧唐中和初鳳翔李茂貞委以心腹之任
易姓李氏齒于諸子後昭宗西幸梁祖迎駕攻逼岐下者
累年及昭宗東遷長圍方解大軍之後府庫空竭彥琦請
使甘州以通回鶻往復二載美玉名馬相繼而至所獲萬
計茂貞賴之刘知俊自靈武班師途經長城嶺梁將率精
銳數萬躡其後彥琦與俊同設方畧擊敗之潞王之守岐
下也諸道將急攻其壘彥琦時在園中罄家財以給軍用
潞王篡位以功授檢校太傅知河陽軍府事俄授鎮川兵
馬留後晉祖入洛彥琦罷戢西歸家財素厚乃閉門自奉
游心釋氏專務散施廣政十年王景崇納款于蜀彥琦因

歸成都授左將軍維州刺史卒年八十八卷一萬八千一百三十七第二

孫欽

欽幽州安次人性忠烈善騎射少遇亂隸安義軍節度使
充衙內都頭後改補合州衙內都頭兼土客都虞侯從本
州刺史徐章入蜀會知祥鎮成都長與初轉充右截山都
頭董璋來寇戰雞蹤橋有功遷普州刺史租襲位累遷東
川武德軍左奉聖都指揮使廣政十五年令以所部兵北
征欽將行白于都監王丞丞承丞將謀亂欲害判軍府事
郭延鈞曰詰朝當領部卒二千人介冑閱于雄義營欲與

府公現之欽未知其由從容謂丞曰卒閱習舊皆木刀
竹槍今都監令執帶器甲將士臨行又是詔旨或不虞如
何丞丞遂止又明日欽已具行裝入辭丞丞承丞止之同
詣府中謁延鈞及延鈞送丞丞上馬丞丞頤指數卒擊殺
延鈞自稱准詔處置軍府事即據府廳指揮放諸司罪人
分遣將校領兵屯果閭綿劍州拒守劍門關發帑廩以賞
將士自辰至巳亡命之徒應募而至者千餘人明日大會
將校寮屬欽言于衆中曰郭延鈞既抵朝憲遠近未知其
由公受命權搃留務慮出詔書以示軍府丞丞曰作好官
何問詔書欽知其已叛乃給之曰州城內外人情未安慮

為公督部下兵以伺察之因躍馬而出承丕連呼不止馳
至本軍立召將士告其事遂率眾往趨府中承丕左右皆
奔散因擒斬之傳首成都加檢校太子賓客二十五年寢
疾卒年七十二

卷一萬八千一百
三十七第一頁

何重建

重建其先回紇之別部居雲朔間祖胤慶父懷福從後唐
武皇世著勳闕因家于太原重建初事晉祖為奉德馬軍
都指揮使歷驢睦曹三州刺史檢校司徒會延州節度使
丁審琪殘暴貪冒蕃部苦之重建以所部兵攻其城審琪
遁去晉祖即以重建權節度兵馬留後下車諭以威福邊

民安堵就加彰武軍節度使累遷涇鄜貝瀘孟五鎮節度
使皆以廉儉簡易稱未幾移鎮秦州廣政十年契丹犯中
原虜使齎偽詔至重建不勝其憤謂將吏曰吾事石氏二
主八擁旄節人臣之榮已極矣豈能交臂以事戎狄乃斬
其使以秦成階三州歸款于我祖遣右千牛衛上將軍李
繼勳馳往慰諭賜予甚厚加特進同平章事依前雄武軍
節度使時固鎮與鳳州未平重建悉經畧討平之祖大舉
兵北伐遣張虔釗出大散關以重建為招討使由隴州路
以進師無功而還堅請入覲祖不許二十一年加兼侍中
卒年六十九

卷一萬八千一百
三十六第十二頁

孫漢韶

漢韶太原人祖昉唐嵐州刺史父存進振武節度使漢韶幼有器局風儀峻整存進尤愛之起家安定軍使知祥留守晉陽屬蕃渾侵擾邊郡表令漢韶督軍進討莊宗知其可用遂委以戎律大破虜寇擒獲甚衆以功授檢校右僕射蔡州刺史明宗即位遷彰國軍節度使觀察留後累遷昭武定等軍節度使閔帝嗣位加特進漢韶以其父名上表讓之改檢校左僕射制曰改會稽之字抑有前聞瓌寶之文非無故事及潞王入洛遂與張虔釗等奉表歸附及謁見與知祥叙汾上舊事及洛中更變相對感泣知

祥曰豐沛故人相遇于此何樂如之於是賜第宅金帛供帳什物悉官給之授永平軍節度使昶襲位加同平章事明德三年入為匡聖馬步軍都指揮使廣政十年為山南節度使會何重建以秦階成三州歸附鳳州石奉顯堅守不通我使昶遣漢韶入城宣慰號令嚴肅秋毫無犯駐數日乃還加檢校太師雄武軍節度使後以疾乞解兵柄封樂安郡王賜肩昇入謁卒年七十二漢韶忠勇有父風而重厚過之居藩閭皆有治迹始以去危即安委質于我頗竭股肱之力終保富貴識者多其溥慈

卷一萬八千一百三十六第十二頁

彥儔太原人少善騎射慷慨有大節知祥留守太原召為軍校從入成都授親衛指揮使昶襲位遷茂州刺史廣政十年秦州何重建以城降以彥儔領雄武軍節度使領衆守其城未幾召歸領石衛聖馬步軍都指揮使十八年周師攻秦鳳以彥儔為北路行營招討使與李廷珪呂彥琦率兵赴援與周師遇于唐倉大戰我師敗績彥儔退保青泥嶺周師遂克階成秦鳳等州彥儔歸成都昶釋不問改寧江軍節度使二十七年王師來伐分兵由峽路攻夔州彥儔謂副使趙崇濟監軍武守謙曰北軍涉險遠來利在速戰宜堅壁待之守謙曰寇據吾城下而不擊將何待也

乃獨領麾下千餘人以出時王師頓白帝廟西遣騎將張廷翰引兵與守謙戰我師敗走廷翰乘勝登城彥儔整衆將出拒戰王師已乘而入彥儔力戰于城下不勝身中十餘槍左右皆散去彥儔奔入府中反拒其門判官羅濟勸彥儔單騎歸蜀彥儔曰我昔已失天水今復不能守夔州縱不忍殺我何面目見蜀人乎濟又勸其降彥儔曰老幼百口俱在成都以一人偷生舉族何負今日止有死爾即解符印授濟曰君自為計俄而王師壞門彥儔挺劍拒之殺十餘人于是登樓縱火自焚而死大將劉光乂怜其忠蓋收其骨以葬焉

李廷珪

廷珪太原人幼慧黠七歲隸知祥帳下為給使從入蜀為牙軍指揮使征康延孝有功遷陵州刺史知祥征東川廷珪權領親軍以從董璋平轉賓州刺史累改眉蜀二州昶襲位遷捧聖控鶴都指揮使領興元節度使歷雅遂閬三鎮加兼侍中廣政十八年周師攻秦鳳以廷珪為北路行營都統高彥儔呂彥琦為招討廷珪遣先鋒指揮使李進以兵據馬嶺分兵出斜谷營于白澗將腹背以攻周師又遣染院使王恁領兵出唐倉與周師遇我師敗走王恁死之而馬嶺斜谷之兵聞之皆退奔高彥儔與諸將謀退守

青泥嶺由是秦鳳階成之地皆陷于周矣廷珪上表請罪昶釋不問明年來朝遷左右衛聖諸軍馬步軍都指揮使仍分衛聖步騎為左右十軍以武定軍節度使呂彥珂為之使並隸于廷珪二十八年王師拔劍門加廷珪太子太傅令從立詰統兵以拒王師至綿州聞王詔遠趙崇韜之師皆敗立詰懼退保東川翌日奔歸成都所過盡焚其儲蓄及王師入成都行營都監王仁贍按籍詰所在軍資將歸罪于廷珪廷珪問計于部將康延澤曰吾觀王公志在殺色苟足其欲則置而不問矣廷珪素儉約不蓄妓樂遂求于姻戚家得女妓四人復假貸金帛直數百萬以遺仁

賸繇是获免歸朝為右千牛衛上將軍卒卷一萬八千一百三十六第十

王彥銖

彥銖太原人祖義方汾州長史父德誠贈太子少保彥銖性仁弱不好弄讀書究大義天祐中事知祥于太原後入蜀累補節度押衙詔使李嚴之為監軍也密懷異謀知祥數其過命彥銖擒斬之嚴之左右無敢動者知祥破董璋擇心腹有權畧者俾護其軍于是以彥銖為東川監押及建國轉授右僕射昶襲位歷蓬嘉雅三州刺史出為山南兵馬都監數載罷歸補左右羅城使眉州刺史遷昭武軍

節度使轉右衛聖馬軍都指揮使罷歸改左金吾衛上將軍復授昭武軍節度使廣政二十四年卒于治所年六十

五卷一萬八千一百三十六第十六頁

李奉虔

奉虔太原人本姓王氏祖欽唐隰州刺史父存賢佐唐武皇累著功因賜姓李氏梁人改上黨莊宗親搃大軍以援之存賢先登陷州授盧龍軍節度使奉虔幼有才畧不循小節年十四為幽州衙內都指揮使居父喪骨立數歲及知祥鎮蜀奉虔懇請從行補廳直左押衙明宗即位充貢奉使諸將進攻遂寧王師掩至劍門不守知祥命趙廷隱

督兵往拒之署奉虔為兵馬監押時衆寡不敵人心動搖
奉虔與廷隱率勵士卒竟敗王師以功授檢校右僕射昶
襲位領嘉州刺史文思使遷右金吾衛大將軍為昭武軍
都監屬夏秋多雨嘉陵江溢城奉虔置堰開湍瀨二十餘
處洩其蓄水築堤以護之城池克完人被其利授昭武軍
節度自監護擁節旄自奉虔始人皆榮之入為左右街功
德使卒年六十三

卷一萬八千一百
三十一第六十六頁

王昭遠

昭遠成都人幼孤貧年十三依東都僧知誣為童子知祥
入蜀飯僧于府署昭遠持巾履從知誣得入時昶方就學

見昭遠聰慧留給事昶左右昶嗣位以為參簾使遷諸司
使會樞密使王處回得罪乃以昭遠為通奏使知樞密事
机務一以委之府庫財帛恣其所取不問未幾遷山南節
度使判官張廷偉言于昭遠曰公素無勲業一旦位至樞
近不自建大功何以塞時論莫若遣人致書通好并門令
其發兵南下我即自黃花子午谷出兵應之使中原表裏
受敵可坐有闕右之地則君之功無有出其右者昭遠然
之乃言于昶遣人間行齋蠟書以往太原為疆吏所获及
王師來伐昶令昭遠與韓保貞趙崇韜等領兵以抗王師
昭遠好讀兵書頗以將畧自任始發成都昶遣宰相李昊

等餞于郊外昭遠酒酣攘背而言曰是行也非止克敵當
以此數萬彫面惡少取中原如反掌爾及行執鉄如意指
揮軍事自方諸葛亮時王師已破劍門昭遠大懼俄與王
師遇于漢源趙崇韜布陣將戰昭遠據胡床不能起崇韜
敗乃免胄棄甲走投東川為追騎所获送闕下授左領軍
大將軍開寶中卒

卷一萬八千一百
三十六第十七頁

安思謙

思謙并州人幼事知祥于太原以勤恪聞知祥入蜀補為
軍校昶襲位頗見親信歷簡印鼓三州刺史奉銜控鶴馬
步軍都指揮使武泰軍節度使未之任改左匡聖馬步軍

都指揮使山南節度時鳳翔監軍王景崇以城歸順命思
謙率兵應接且畧地關中會漢兵圍鳳翔燒其雙門景崇
遣使來求救昶遣思謙及韓保貞等率兵救之兵次右界
漢兵屯寶雞城思謙令保貞分兵趨隴州逼汧陽以分其
勢又遣先鋒將申貴等分兵走摸壁設伏時家林貴以數
百人晨壓寶雞列陣以誘漢兵漢兵爭出戰貴偽遁漢兵
逐之為伏卒所擊退入寶雞城思謙次渭水將引軍濟會
羅喉保義軍與東相應掩我不備多殺士卒而漢兵復振
思謙與諸將議曰糧儲將盡而賊勢且盛不如釋之以圖
後舉遂班師十二月景崇又來告急昶復督思謙令進兵

思謙請先運糧四十萬斛然後進軍昶覽表不悅謂左右曰古之良將因敵取資近者契丹以數十萬衆入中原豈先事飛輓耶揣思謙此意必不為朕進取也乃發興州乾渠渡糧食及山南諸倉米數萬斛屯鳳州以益之思謙不得已遂進軍次大散關申貴以所部先進擊漢兵燒箭箬寨毀閣道遁去貴盡銳追之及安都思謙進軍玉女潭又殺漢兵千人漢兵退屯寶雞城思謙駐軍摸壁時保貞之師攻隴州不能下思謙遂遷延不進會漢軍陷鳳翔景崇死乃班師上表待罪昶釋不問召歸移鎮閬州仍留宿衛思謙以受任無狀為物議所簿頗不自安昶既誅張業宮

禁門衛悉加嚴警思謙以其疑已頗惡之言多悖慢三子辰嗣裔恃父權恣橫國人畏之會翰林王藻來問奏思謙出怨言將圖不軌昶懼翌日俟其入朝伏壯士擊殺之并其三子廣政十七年也

卷一萬八千一百三十六第十七頁

焦彥賓

彥賓字英服滄州清池人父軫唐充海節度彥賓少聰敏多智畧事後唐武皇尤所委信及莊宗即位遷左監門衛將同正四方館使出護邢州兵知祥移鎮成都詔以彥賓為監軍使與知祥同入蜀康延孝據廣漢彥賓說知祥令名董璋與之協力討賊遂擒延孝明宗即位忿閹監輩怙

勢擅權先朝使四方及逃遁不出者皆就戮之死者殆盡
彥賓為知祥保護獲免朝廷因以李嚴代之彥賓辭疾不
歸朝知祥因令判都提學院事未幾轉左驍衛上將軍以
年老乞代從之彥賓乃營別墅鑿池沼植蒲莢養魚以自
給祖襲位以先君舊友命全給俸祿而不令覲謁俾遂其
性廣政十五年卒年七十八

卷一萬八千一百
三十六第十八頁

趙進

進定州人少以胆勇隸天雄軍籍時河北宿兵進累戰有
功洎莊宗入洛猶在行間屯于清廩祿既簿又不時給士
卒多怨憤思亂者十七同光末與本軍皇甫暉等共推副

趙在禮相率夜犯鄴城：中士卒莫有鬪志進等因陷其
城未踰旬兵數萬在禮署進衙內都虞侯三城逃檢使莊
宗遣元行欽以其言聞因詔明宗馳往招諭及入城乃共
推戴遽有洛中之變天成初除貝州刺史鄴都衙內指揮
使明年移典寧州屬慶州叛遣進討平之遷雅州刺史知
祥入蜀進來覲謁知祥以進始謀叛遂將誅之進大懼趙
季良諫曰莊宗季年天下思亂匪獨貝魏一境公國之懿
親所宜責以干紀加其顯戮進自知必死歸命于我所宜
撫納以責其後效知祥納之董璋之亂我師致討進戎服
謁見而言曰進荷明公不殺之恩今日有所報矣請前蹈

白刃決命破賊乃署為前鋒監陣使先登立功璋平轉左
衝山指揮使昶襲位歷忠鳳即晉四州刺史右匡聖步軍
都指揮使所至軍政修舉成卒有疾苦者必撫問周悉當
盛暑五寒未嘗勞役將士以此樂為之用廣政十七年督
部兵戍漢中逾月以疾聞召還卒于道年六十一卷一萬
八千一
百三十六
第十八頁

石處溫

處溫萬州人本波斯之種仕前蜀為利州司馬同光中知
祥入蜀補萬州管内諸坛點檢指揮使率義兵同收峽路
時通州大將王允瓊侵擾邊鄙及草寇杜景溫劫東郡豪

殺縣令牟孟剽畧戶口焚燒村落處溫與諸軍討平之知
祥遺書褒美轉寧江軍節度都知兵馬使萬州管内義軍
都指揮使昶襲位遷獎州刺史處溫初據石市招納亡命
遠近多歸之由是廣事耕墾常積穀數萬十石前後累獻
軍糧二十餘萬石加之以寶貨昶嘉之加檢校司空未幾
授萬州刺史移簡州卒年八十卷一萬八千一百
三十六第十九頁

孟思恭

思恭字近禮潁川人父彥暉嘗為許州獄吏前蜀王建嘗
隸忠武軍坐事被繫謂彥暉曰卿能免我他日將厚報彥
暉遂縱之令亡去及建霸蜀遣使迎之授簡州刺史遷漢

州團練使思恭弱冠奇峭猿臂善射起家保信軍使建嘗
集文武射苑中思恭屢中的建大悅賜衣服以其女妻之
為駙馬都尉累遷靜塞軍團練使王衍襲位為北路行營
都指揮使知祥鎮蜀以其宗姓補先登指揮使以所部兵
從董璋遣思恭分兵討集誠之曰賊少則與戰賊衆則退
退守要害我將濟師及遇賊思恭與之戰不利退求濟師
璋怒放思恭歸知祥免之明年隨趙廷隱破璋于雞蹤橋
以功改清遠指揮使昶襲位加檢校司空改雄義都指揮
使屯梓州累遷飛棹都指揮使歷劍階忠三州刺史思恭
有胆畧善撫士卒廣政二十年為峽路行營都指揮使屯

赤英山時秋暑未退思恭苦熱食冷物浴寒水致疾卒于
任年七十二

卷一萬八千一百
三十六第十九頁

申貴

貴潞州人弱冠有勇力初事李彥珂為帳下卒天成中歸
于知祥累補定遠都頭從征伐身當矢石深為諸將之所
推許改決勝耀武指揮使昶襲位遷右衛聖都指揮使歷
昌渝文眉四州刺史貴貪鄙殘雪所在聚斂財貨民不勝
其弊典眉州受財鬻獄尤恣暴橫常指獄門謂左右曰此
我家錢爐其不道如此初兼五縣巡檢令其子元寶與州
吏許延祺誣搆民連賊枷禁以求賂被訴下獄責授貴維

州司戶參軍馳駟發遣至屏浦賜自盡
卷一萬八千一百三十六第十九頁

九國志卷八

東漢

世祖以乾祐四年稱帝至英武帝廣運六年國滅
歷四主凡二十九年。按十國紀年及通鑑作北
漢此與五代史同

宋路振撰

世家

世祖

睿宗

少主

英武帝

姓劉名旻初名崇後漢高祖母弟也為河東
正節度使乾祐三年晉陽仍用乾祐年號受契丹
正命在位四年薨年六十受廟號世祖葬陵丹
母命在位四年薨年六十受廟號世祖葬陵丹
名在位四年薨年六十受廟號世祖葬陵丹

元祐七年行三年喪服除乾祐十年命為天會
十三年謚曰孝和皇帝廟號睿宗

繼位六年繼位六年繼位六年繼位六年繼位六年

會名繼元本越五年改元廣運至六年五月天

癸未降于宋降封彭城郡公
淳化中薨追封彭城郡王

列傳

蔚進

張元徽

鄭進

衛儔

李隱

蔚進

進太原人少有膂力身長七尺日行二百餘里高祖鎮并
汾進以材官給事及高祖領軍令負羈勒開運末南行留
進于太原為崇朔衛即受馬步軍指揮使鈞襲位領建寧
軍節度使典親軍如故繼恩監國郭無為受詔輔導世子
無為與進不協出為代州刺史時無為專政繼恩潛欲圖
之進知其必為亂自以居親衛之地頗懷危蹙及有中山

之命忻然即路未幾繼恩遇弑國人皆以進為先見以城
納款歸朝授左衛大將軍領檀州刺史卒年七十二進無
他能惟掌兵方嚴所至不敗事劉氏四主以質直聞歸老
中國祿二千石亦武夫之終吉也

卷一萬八千一百
三十七第二頁

張元徽

元徽邢州武安人少以沈勇隸本城為兵累轉至列校高
祖鎮并汾召置帳下累從征討有功晉開運末破契丹于
三交以功授代州刺史歷雲州防禦使遷代州與崇素相
友善及崇建號領侍衛親軍遷武寧軍節度使崇舉兵南
下將圍周室以元徽為前鋒與周師遇于巴公原元徽以

東軍先登陷陣擒監軍使一人降其步卒千人而還崇大
褒賞之元徽乘勝復入馬倒為周師所擒殺之其麾下十
餘騎畢力血戰奪其尸而出俄而崇衆亦敗先是前鋒兵
將次巴公一夕營中刁斗皆喩元徽亟遣詣崇大寨易之
凡易數十皆喩而不可擊因以白崇怒曰故要吾金鈿耶
遂止是夜有大星墜元徽營中明日果敗元徽沈厚有將
帥材善撫士卒輕財好施雖爵祿豐厚而家無餘貲既而
軍吏為立廟晉陽城西北隅塑其象歲時祀之見者必掩
泣

卷一萬八千一百
三十七第二頁

鄭進

進開封陽武人身長七尺餘翹勇多力漢祖鎮并汾以材
官給事累從征討有功即位遷侍衛步軍都指揮使鈞襲
位以先朝勲舊賜予彌厚進性慷慨重然諾好施家無餘
貲繼元立馬峯典机密性鄙吝與進不協峯怒悉奪其兵
柄進不堪辱詬之于朝繼元怒翌日送定襄安置遣人殺
之于路

卷一萬八千一百
三十七第三頁

衛儔

儔吐渾族人少事鈞為蕃落小底善騎射驍果絕倫明書
計通六蕃語鈞襲位遷如京使令專掌吐渾一軍以從征
討所向多克捷虜援兵每至即遣儔居前鋒軍中凡布列

烽燧措置寨柵皆儔為之繼元立為關人衛德貴所嫉出
為遼州刺史吐渾數千人遮道請留繼元不許自是一軍
失帥不復可用矣儔少長蕃中不樂為郡頗出怨言繼元
慮其為變潛遣人殺之卷一萬八千一百三十七第三頁

李隱

隱鴈門人少以驍勇隸綠河十寨善騎射有胆畧鈞襲位
以軍功擢授馬步諸軍都引進使累從征討性純直未嘗
曲事權要衛儔出知遼州隱惜其忠勇為佞臣所逐頗憤
惋形于言德貴聞而惡之白于繼元即日送嵐州安置未
幾殺之卷一萬八千一百三十七第三頁

九國志卷九

宋路振撰

南漢

唐天祐元年烈宗為廣州節度使至後主大寶十
四年國滅凡六十七年斷自高祖乾貞元年為始
凡四主實五十五年

世家

烈宗

姓劉名隱父謙為封州刺史有子曰隱台
節度使劉崇龜表為封州刺史天祐元年朱全
忠奏為清海軍節度使梁開平元年封大彭王
三年改封南平王四年進封南海王乾化元年
三月丁亥薨年三十八謚曰襄乾貞元年追尊
曰襄皇帝廟號烈宗陵曰德陵

高祖

名襲初名巖又名涉謙庶子乾化元年五月
南平王貞明二年八月癸巳稱帝建國號曰越
改元乾亨追尊祖安仁曰太祖父謙曰代祖兄

隱曰烈宗乾貞二年十一月改國號曰漢凡改元三乾貞九年白龍三年大有十五年三月丁丑薨年五十四謚曰天皇
大皇帝廟號高祖陵曰康陵
殤帝名珍襲第子初名弘度封賓王改封秦王及嗣位更名改大有十五年為光天元年二年三年丙戌遇弒

中宗名晟初名弘熙封晉王既弒珍遂嗣位改元天二年為應乾元年十一月九日諡曰文

後主名銀晟長子初名繼興封衛王乾和十六年八月辛巳襲位改是年為大寶元年至十四年二月宋師入城降封恩赦侯時開寶四年也

或云歸葬于韶州之越王山

列傳

- 劉洪操 劉洪杲 蘇章 吳懷恩 陳道庠
- 邵廷瑁 潘崇徹 郭崇岳 黃仁諷 許文植

劉洪操

洪操字貞度龔第九子洪澤之母弟也幼知書及長有識量大有中封萬王十一年吳權攻交趾咬公羨求救于龔龔欲乘其亂而取之遣大將梁克真率兵南下龔自護其軍以洪操為靜海軍節度使封交王令統眾趨白藤時吳權已殺公羨而據交趾親率眾來逆戰先于海口多植捷檣悉銳其首以鉄冒之潮水方漲權乘船引兵挑戰洪操逐之須臾潮退戰艦為捷檣所絀士卒皆喪溺死者過半

遂擒洪操殺之卷一萬八千一百三十七第六頁

劉洪杲

洪杲字日宣龔第十子母南儀謝氏名宜清有寵洪杲十歲封循王好步鬥復便弓馬以胆勇聞諸友皆尚儒學或勸令讀書洪杲曰我家立功立事皆起馬上獨使我老一經乎龔以兵書教之遂略通義光大初循州賊張遇自稱中天八國王擁眾數萬攻下郡邑洪杲請統眾討賊玠以其尚幼不許洪杲曰兵法尚變不尚齒也因令越王為都統洪杲副之次錢帛館軍士方食賊眾奄至洪杲率親信數百人介甲躍馬徑入賊中殺數十百人賊為之少却俄

而越王領眾繼至與賊大戰自辰及午賊眾益盛圍我師數重矢下如雨軍人多死洪杲矢盡挺劍力戰流血滿袖裨將萬景忻等蒙以大楯翼二王以出賊亦解去洪杲以戰功授桂州觀察使未幾與晉王同謀篡殺應乾初為諸道兵馬副元帥叅政事晟初立國中謗議騰沸洪杲請歸罪于劉思潮等晟不從反為思潮等所譖以洪杲謀為亂晟遣思潮偵之一旦洪杲與親信飲酒第中思潮與潭令裡領衛兵排闥而入斬其首以徇卷一萬八千一百三十七第七頁

蘇章

章封州人少事隱為牙將性忠厚有勇力從征譚玘盧瑒

有功薛王奏署衙內馬步軍都指揮使從隱討盧延昌于韶州隱率舟師出會天大霧昏冥如夜韶人四出以鉄纜繫巨鈎投隱艦中士卒驚撓章引弓射殺數人以巨斧擊鈎皆斷折纜不能施韶人乃退翌日近逼其城上望樓中有人罵隱言頗穢褻隱慙甚不敢視左右章伏艫樓中引弓射罵者應弦而斃舟中皆鼓譟時江水暴漲自清遠峽以北湍瀨尤惡糧運不繼會延昌父光稠自虔州擁兵來援隱與戰屢敗乃班師韶人以兵襲我後遂捨舟而徒士卒不成列隱馬斃章以所乘馬援隱因徒行為後殿韶人不敢逼以功遷封州刺史充左右街使襲襲位

命章典禁衛諸軍白龍中楚人舉舟師來伐圍封州敗我師于賀江溺死者千人襲乃遣章領神弩三千人戰艦百艘援之章至賀江沉鉄索水中兩岸設巨輪以挽索築連堤以隱之伏壯士堤中章以輕艦逆戰侷不利楚人逐之堤中挽輪舉索楚艦不能進退乃以強弩夾水射之楚人殲焉收戰船百艘以歸遂解封州之圍以功遷團練使章子五人俱為中郎將豪俠任氣所為不軌番禺號為五郎將章年老不能致訓會有告其謀叛者逮捕下獄悉斬之章以功得不坐慙悖成疾大有十五年卒

卷一萬八千一百三十七

吳懷恩

懷恩番禺人事龔為內府局丞性謹愿典宿衛二十餘年未嘗有小過玠襲位遷內常侍玠好宴樂東西兩教坊伶官千餘人常晝夜出入宮中懷恩屢言于玠曰今禁中自有蕭韶府內樂百餘人皆善音律夜宴用此足矣焉用教坊若夜雜入禁中不拘闌籍恐姦人竊發不可不慎玠不听未幾果為陳道庠所弑歲襲位授宮闈諸衛押番乾和六年加開封府儀同三司西北面招討使與指揮使吳玠領兵侵楚親冒矢石半歲間取梧桂六州之地以功加濮陽縣公大寶中王師取郴連張懼以懷恩為桂州團練使

令治戰艦懷恩馭下方嚴臨事精至每舟成必自臨視材有良窳不等及制度疏畧不如法者必榜役工役者多怨之又造龍舟十以備張親征舟成懷恩以綿幕其手徧捫鉤楯匠區彥布在側運斤斬之首墮船中左右皆驚走後數日擒彥布斬于市懷恩治兵嚴整所至輒有功及被害國人憂之卷一萬八千一百三十七第五頁

陳道庠

道庠潁川人父璠唐末避亂于封州力絕人隱聞其忠勇名至帳下隨隱入廣州遷雄虎將軍卒道庠幼俊爽起家為虎賁郎翹果有父風大有末給事晉王府龔疾亟命以道

庠為元帥府馬步軍都指揮使光大初張悞起循州大掠掠郡邑道庠與萬景忻從越王循王東征遇賊錢帛館賊圍之數重自辰及午我師殆盡道庠與景忻奮劍大呼殺十餘人賊衆披靡于是掖二王而出玠既立所為不法疑羣弟圖己每宴集則令宦官守閣供奉將吏悉露索而後入及晟將為亂謀于道庠玠好角抵道庠因引多力者劉思潮等數人習角抵于晉王府中玠聞而悅焉翌日大置酒長春宮召角抵與諸王觀之至夕玠大醉既罷晟遣道庠等掖之因拉殺玠血濺寢門左右皆散走晟立以道庠為功臣領英州刺史出入宮中賞賜優厚既得志頗誅殺

勲舊功臣劉思潮等皆相次被誅道庠不自安特進鄧伸與璫有舊嘗遺道庠漢紀問其意伸咤曰慙獠此書有韓信彭越事審讀之道庠大懼遂謀亂事未及發而晟覺之乃收道庠伸下獄翌日同斬於市悉以其族卷一萬八千一百三十七

第六頁

邵廷珩

廷珩循州人幼為黃門給事禁中言論峭直與羣閣異及長有文武材幹博覽書史尤善騎射玠襲位為內謁者遷內府局令提宿衛兵軍務屢整尤重儒士有自遠方來者廷珩必先見之為具貲糧而後引荐多被任用大寶中遷

內常侍時銀春秋已長而未知稼穡荒于游宴人心危懦
廷瑄每從容言曰男兒十五奪父志今宗社安危繫于陛
下愿加檢慎銀建高餘宮在城東南六十里山水奇絕銀
避暑多往焉廷瑄雅所愛尚因請解兵戢愿為宮使銀從
之而令典兵如故廷瑄以諸戎器不甚犀利弓弩不能及
遠甲鎧銷薄不可以禦大敵乃為樣親督工匠造之累言
于銀曰中國亂離久矣我先朝乘其間故有南越之地五
十年來嶺表無事師之耳目不識旗鼓今中國已有真主
陛下未嘗遣一介之使馳咫尺之書珠貝犀象瑇瑁翠羽
積于內府歲久而不可較陛下未嘗以修騁一旦兵至何

以禦之銀情然不以為慮七年王師克郴州招討使暨彥
贊戰死王師乘勝取連州銀始懼乃加廷瑄開封儀同三
司東南面招討使以舟師屯沅口王師既退廷瑄循撫將
士招輯止叛境上肅然稱為良將因繕治兵甲親加訓練
將復郴連會同列者嫉之投匿名書言廷瑄將圖不軌銀
信之遣使賜廷瑄死士卒排軍門爭入對使者哀訴言廷
瑄無反狀請加考驗弗許軍民冤痛為立廟于沅口至今
祀之

卷一萬八千一百
三十七第四頁

潘崇徹

崇徹南海人事龔為內侍省局丞頗知書有鈴畧乾和中

晟遣崇徹率兵攻郴州時江南將邊鎬據湖南發兵來援
相遇于宜草崇徹令步將康崇保分兵為兩翼以掩賊江
南兵大敗遂克郴州明年潭州節度使王逵率兵五萬來
復郴州晟遣崇徹領衆赴之與逵遇于壕石逵軍遠來罷
乏不成列崇徹登塚而望喜曰此成擒也乃縱兵擊之潭
人大敗逵僅以身免桂州吳懷恩為部下所殺遣崇徹代
領其衆加西北面招討使歲餘以飛語見疑于張遣崇岳
來覘其軍戒之曰崇徹果有異志即就誅之崇岳至崇徹
知其意悉以所部兵自衛以見崇岳不敢發還以白銀曰
崇徹日夕領伶官百餘輩五衣錦繡吹玉笛為長夜之歡

不恤軍政張方怒會崇徹單騎來歸來自請罪張釋而不
問但奪其兵柄自是常快及王師圍賀州刺史陳守忠
告急于張召大臣議皆請以崇徹領兵以拒王師崇徹難
之辭以目疾張怒曰何須崇徹伍彥柔獨無方略耶乃以
彥柔代領其衆彥柔至賀州為王師所擒賀州陷張憂迫
計無所出乃加崇徹內大司馬步軍都統領衆三萬屯賀
江會王師徑趨韶州崇徹但擁衆自保不為之援王師度
馬徑崇徹請降從張歸朝太祖知其事特赦崇徹以為汝
州別駕卒

卷一萬八千一百
三十七第四頁

崇岳番禺人宮媪梁鸞真之養子也幼為閩人以慧黠聞
乾和中為內侍監張袞位遷內侍中大微宮使大寶十二
年王師來伐都統李承渥以全師出韶陽為王師所敗張
震駭頽諸將無可使者鸞真即荐其子可用乃以為招討
使與大將植廷曉統衆六萬守馬遙去番禺裁百餘里時
王師已過瀧頭翌日入馬遙去我寨十里游騎據雙女山
直瞰我軍頻摩壘挑戰崇岳本無將材所統之衆皆韶陽
敗卒絕無聞志廷曉欲出戰崇岳不從但堅壁自守晝夜
禱祠鬼神而已王師繼至廷曉謂崇岳曰北師乘席卷之
勢其鋒不易當也吾士旅雖衆然皆傷痍舊卒今不驅策

而前將坐受其斃亡無日矣于是領前軍據水而陣令崇
岳殿後禦其奔衝既而王師濟水廷曉力戰而死崇岳奔
入營王師攻之初一夕南風甚厲至是北風大起王師縱
火燒寨崇岳大敗死于乱尸之下

卷一萬八千一百
三十七第五頁

黃仁諷

仁諷建州浦城人少有武幹隸本城為鄉兵以陣敵立功
累遷飛捷指揮使福州林仁翰殺連重遇送首于建安迎
延政歸王閩中時唐兵壓境不果行遣仁諷護送從子繼
昌入守閩中以仁諷為福州在城鎮邊使繼昌庸懦無馭
下才人心不安會江南兵逼建安將吏知其必破上下思

亂仁諷因之遂與李仁達陳繼珣等同謀殺繼昌而自立
延政大怒收仁諷妻子斬于市發兵討之時仁達已推立
卓儼明令仁諷為城西門軍帥以扞建兵仁諷知妻子已
戮臨敵不顧出入奮擊建軍大敗退而謂繼珣曰忠信仁
義士之所守也舍此無以立吾頃在建安嘗攻伐今見利
忘義不能慎守晚節是不忠也富沙託子于我曾不營救
中道而變是無信也與建軍對敵所殺者皆鄉曲故人是
不仁也棄其妻子使謂魚肉是不義也此身十沉九浮旦
夕歸地下何面目以見之因拊膺而哭繼珣曰大丈夫殺
身殉名何顧妻子且置是事無輕洩也建軍既退左右以

其言白仁達翌日擒斬之并殺繼珣

卷一萬八千一百
三十七第七頁

許文禎

文禎泉州同安人少事審知為給使累歷內職昶褒位遷
文思院使延義立改金吾使率兵屯臨汀未幾授汀州刺
史朱文進竊位以其黨黃紹頗守泉南而臨汀亦叛以應
文進留從效殺紹頗以其首送建安文禎懼乃諭郡人歸
款于延政加太尉兼侍中為治嚴整賞罰必當吏民畏而
愛之江南兵圍建州遣將時厚卿分兵攻汀州文禎率眾
拒戰擒厚卿遣歸金陵因上表謝罪及建州陷明年文禎
率軍赴金陵環復以為汀州刺史未幾改蘄州召歸授建

州刺史周顥德中王師圍壽春潘承祐荐文稹有武幹環
 令統兵數萬屯紫金山為周師所破擒文稹世宗釋不誅
 環割地歸欵世宗放文稹歸環以其失律不復用歸同安
 坎壘而卒卷一萬八千一百
 三十七第八頁

九國志卷十

閩司空以唐景福二年有泉汀五州地為節度使至
 天德帝天德三年滅于南唐歷七主凡五十二年
 世家

宋路振撰

司空

姓王名潮字信臣光州固始人唐末為縣佐
 王緒聚眾自稱將軍署潮為軍正既誅緒屠者
 為主時光啓三年八月也至景福二年畫有泉
 汀五州之地九月辰升福建為威武軍拜節度使四年
 十二月丁未

太祖

名審知字信通潮季弟景福四年冬潮有疾
 託審知以大事既卒自稱留後光化元年三
 月己丑受朝命十月癸卯授本軍節度使天祐
 元年四月封琅琊王梁開平三年四月封閩王
 後唐同光二年十二月辛未薨在位二十九年
 年六十四諡曰忠懿龍啓初追謚昭武孝皇帝

廟號太祖陵曰宣陵字子逸審知長子初審知寢疾命權

嗣主

唐授為節度使明宗天成元年十月己酉

惠宗

名鑄初名延鈞審知次子建州刺史王延稟

成二年五月癸丑唐以長興度使封琅琊王三

康宗

名繼鵬長子既弒齋肅明孝皇帝廟號惠宗

比明遇弒永隆謚曰聖神英睿文明廣武應道

景宗

名義初名延義審知第二十八子先是被幽

自稱節度使閩國王時通文四年閏七月壬午

天德帝

名延政延義弟也延義既立封為富沙王

年正月十日二月癸亥三

列傳

王仁達

楊思恭

留從效

王忠順

陳洪進

黃思安

王仁達

仁達延鈞從子也幼聰悟博覽羣書及長魁梧有机略善用鉄槊每環甲持槊上馬馳刺觀者稱其妙延鈞襲位仁達為樓船指揮使王延稟叛與其子繼雄領兵攻福州仁達舟師禦之偽立白幟請降繼雄登舟與語因刺殺之以首示延稟大慟士卒擾亂遂擊破其軍擒延稟以獻遷親從都指揮使領台州刺史性慷慨自以功高又居親衛言事頗肆胸臆延鈞忌之一日延鈞宴羣臣酒酣頌謂仁達曰趙高指鹿為馬以愚二世其理安在仁達對曰秦二世

幼冲為強臣所蔽故有此弊今朝中官吏不滿百人長短美惡陛下皆見之動息飲咏陛下皆知之敢有蒙蔽聰明枉作威福名族滅之禍者耶延鈞大慙因賜金帛以慰之翌日加檢校太傅自是延鈞每醉即欲殺仁達私謂所親曰仁達多智畧當吾之世就可駕馭觀其詞氣非幼主臣也後竟誣以叛誅之

卷一萬八千一百三十七第七頁

楊思恭

思恭建州建陽人少俊爽好學有心計事昶為同安尉延政聞其名辟為節度使官襲位遷戶部尚書時兵革屢興國力空匱命思恭為僕射錄國事增山澤壑畝之稅魚鹽

蔬果皆倍其筭道路側目號楊剝皮唐兵至建陽延政遣
統軍陳望帥衆拒之列寨相屬斥候甚明唐人不敢逼凡
月餘不戰思恭遣使以延政之命詰責之望對曰江淮間
多精兵將帥練習戰事未可輕敵陛下不以臣不肖舉國
中之衆以屬于臣安危之机在此一決今之曠師非臣之
怯也且欲覘其變為萬全之策耳思恭大怒復遣讓之曰
淮兵侵凌百姓叛逆睡不交睫食不知味且彼之衆不過
数千跋涉山川師無停糧將軍擁衆盈萬兵精馬壯今乘
危投隙與之角戰是以石破卵也若曠日持久使其營壘
堅固芻粟豐備復何望哉將軍授國重恩宜盡死力立功

立事以報萬一江淮懼而自退將軍無血刃之勞何面目
見陛下乎望不得已乃引兵渡水唐人張左右翼以擊我
軍大敗溺死者尤衆延政降思恭歸金陵斬于建康市

卷一
萬八千一百三
十七第七頁

留從效

從效泉州樵林人少隸本城為衙兵征臨汀以功遷冗負
指揮使朱文進殺延義竊據福州以其黨黃紹頗為泉州
刺史從效與其裨校王忠順董思安謀同殺紹頗迎立王
繼勳為刺史從效自署為平賊統軍俄而文進率兵來攻
從效開城門與戰文進敗走于是人心悉歸于從效會江

南兵已平建州從效遂劫繼勳送于金陵李璟以從效為
清原軍節度使發兵屯郡中一日從效謂屯將曰此一方
東漸于海與福州世為讐敵南限廣州瘴癘之地人使不
通西連鄞水皆猿徑鳥道近歲干戈屢動三農廢業冬徼
夏斂僅足自贍不煩大軍久駐于此屯將皆不對翌日置
酒餞之郊外屯將不得已皆卷旗而去從效遂有漳泉之
地李璟不能制累授從效同平章事兼侍中封晉江王從
效起自行陳知人疾苦勤儉養民常衣布素涉獵史傳延
納名士部內清治吏民愛之王氏有二女嫁為郡人妻從
效每給其衣食歲取進士明經謂之秋堂周世宗征淮南

從效遣衙將蔡仲興為商人以帛書置草帶中由岳鄂送
款內附又請置邸京師世宗以其素附江南恐其非便不
許宋朝建隆初上表稱藩李璟遷于洪州從效遣使假道
吳越入貢太祖遣使賜詔書以慰之未至而衙校張漢思
陳洪進劫從效遷于東亭漢思自稱留後從效疽發背卒

卷一萬八千一百
三十七第八頁

王忠順

忠順泉州人隸本城為鄉軍與從效同殺黃紹頗遷為軍
校江南兵逼建州黃思安與忠順同領眾赴難延政屯西
門數戰不利延政諭之曰孤以不德致寇公等與從效首

誅克黨克定泉南越踰岩險以兵來援見公等之忠亦也
今當勉之思安等俯伏對曰臣以必死奉報時城中衆心
離散或說以去就之計思安曰吾輩世為王氏臣今視其
危而叛去天下皆：有容我者乎衆感其言遂無叛者翌
日城陷忠順力戰死之思安整衆歸泉州追兵不敢逼卷一
萬八千一百三十七第八頁

黃思安

見前王忠順傳

陳洪進

洪進泉州仙游人少材勇選為州兵留從效殺紹顛遷為
指揮使從效將送紹顛首于建安迎延政為閩王羣下以

道阻賊盛莫有肯行者獨洪進請往時尤溪賊數千衆遮
道不得前洪進神氣自若語賊曰朱福州已為義師所襲
殺之矣爾輩更為何人戍守即持紹顛首示之曰我倍道
兼送之建州以逆嗣君返國爾等無所歸矣賊遂潰散渠
帥數人皆聽命因從洪進至建州延政大悅擢洪進為建
州馬步軍都指揮使及江南克建州延政歸金陵李璟以
留從效為清源節度使洪進佐之出戰入守十五餘年以
功遷統軍使從效卒其子紹鏐使江南未復小紹鏐留
後事月餘吳越遣使來聘紹鏐夜召其使與之宴語洪進
疑之乃誣紹鏐謀叛欲以其地入吳越執之送于建康推副

使張漢思為留後自為副使漢思老且淳謹事無巨細皆
決于洪進漢思諸子患洪進之專因大宴伏甲府署中將
殺洪進酒數行地忽大震屋宇皆傾動甲未及發而同謀
者告之洪進遽起去洪進子文顯文顯俱為牙校請以所
部兵擊之洪進不許一日洪進置大鏢于袖從子常服安
步以入府中漢思安處閣內洪進自外鏢其中門使人叩
門謂漢思曰郡中軍吏以公耄荒不能治請洪進知郡事
衆情不可遏望以郡印相授漢思錯逆不知所為乃以印
與之洪進出名將吏告之曰漢思昏耄不能治事以印見
授矣將吏皆賀即日置漢思于別館以兵監守之遣使入

江南請命李煜以洪進為清源軍節度使建隆初太祖平
李重進于揚州江浙皆納款洪進懼乃遣牙校奉表自稱
副使言張思漢請老歸第以己領軍事太祖賜詔書慰諭
乾德二年制授平海軍節度使仍鑄印以賜開寶八年江
南平洪進遣其子文顯來朝貢因降詔洪進入覲至建州
聞太祖崩乃還鎮發哀太宗即位加檢校太師太平興國
二年入朝遂獻所管漳泉二州之地愿朝請加平章事卒
年七十二贈中書令謚曰順

九國志卷十一

楚武穆王於唐乾寧三年辛亥國滅凡五十七年

宋路振撰

武穆王

姓馬名殷字霸圖唐中和時孫儒劉建鋒

帥殷為先鋒建鋒被殺衆推張佶佶讓于殷時

乾寧三年五月也九月唐授殷潭州刺史光化

元年三月命知武安軍留後未幾進本軍節度

使梁開平元年四月辛未封楚王後唐天成二

己巳薨年七月十九日謚武穆王長子陽之十一

衡陽王

名希聲字若訥殷子衡陽之十一人嫡

母寵得立長興元年賢次希聲與希範同日建

封衡王二月唐以為節度使三年七月辛卯薨追

文昭王 名希範 字寶規 殷第四子 希聲既歿 長興

四年正月 封楚王 晉天福四年 封扶風郡侯 應天策上將軍 十

一月 謚文昭 是年六月 漢祖劉知遠 辰薨 年四

廢王 名希廣 希範同母弟 希範病 以希廣屬 拓拔

揮使 劉彥瑀 等不欲 遂奉 希廣 軍府 事時 越

希範 薨 之 四日 未也 七月 甲午 漢封 為 楚王

十一月 希範 來 喪 拒 之 遂 構 兵 乾 祐 三 年

恭孝王 名希範 長沙 戊申 被 害 葬 劉 陽 門 外

月 丁未 也 保 大 乾 祐 三 年 二 月 入 貢 唐 保 大 八 年 十 一

亂 執 希 範 幽 于 衡 山 縣 希 崇 既 指 揮 使 徐 威 作

復 立 希 範 為 衡 山 王 希 崇 求 援 于 唐 命 邊 鎬

將 兵 趣 長 沙 十 月 鎬 入 醴 陵 遂 趣 希 崇 入 朝 十

一月 辛酉 盡 遷 于 唐 辛未 邊 鎬 遣 先 鋒 李 承 戩

將兵入衡山 趣希範入唐 十二月 唐仍賜希範 謚恭孝 希崇 率兄 節度使 數年 希範 薨于金陵 弟十七 人奔于周

列傳

張 佖 許德勳 鄧進忠 姚彥章 秦彥暉

王 環 王 贊 李 瓊 呂師周 廖光齋

彭 玕 劉昌魯 鄧處訥 龐巨昭 彭師曷

劉 言 王 逵 周行逢 何景真

張佖

佖京兆長安人 少通經史 咸通初 以明經中第 累遷宣州 從事 秦彥牧宣城 陰養亡命將 圖江淮 而兇暴多忌 不為

吏民所信信慮其害已乃辞疾去職將歸京師至汝陽值秦宗權阻兵信往依之宗權與語大悅署為行軍司馬會宗權叛遣衆四出屢為梁祖所破信謂劉建鋒曰今天下方亂英雄角逐吾現秦公剛鷲猜忌終不能濟大事梁王軍政精明將士悉力一旦全師奄至吾等無賴矣不如早自為謀建鋒孫儒俱從儒殺宗衡自領其衆以信為行軍號令嚴肅衆皆憚之及破楊行密信有力焉行密逐趙鍾據宣州儒與建鋒領衆西上將討行密建鋒謂信曰今與孫公權全軍為公刷恥于宣州如何信唯唯謝之于是儒盡焚維揚積聚驅其民人大屯廣德將先平行密而後北

渡及圍宣州糧道阻絕士卒大疫反為行密所破信與建鋒率餘衆據湖南推建鋒為帥建鋒多私狎每飲酒部曲間有長直兵陳瞻者其妻有殊色建鋒通之瞻怒以鉄槌置袖中擊殺建鋒建鋒將吏推信為帥將入府常所乘馬忽蹊啣不止正中信髀仆地不能起者久之時殷征將勛於邵州信謂其將吏曰吾非汝主當迎馬公為之于是磔陳瞻于東市遣姚彥章等逆殷及殷至信乘肩輿入府受其拜謁訖命殷升廳信即降階率將吏拜賀請代殷攻邵州梁開平中奏授信朗州永軍節度使累遷檢校太保同平章事乾化初移鎮桂林卒于治所子少教有武略事殷

為軍校希範褒位遷永州刺史天福中卒卷一萬八千一百三十七第十

許德勳

德勳蔡州朗山人少為縣吏好讀書史任氣不群秦宗權據淮西德勳往依之擢為左軍判官與殷同在帳下有州里之舊情好欵洽從孫儒討揚州以德勳為蹈白都指揮使時淮上飢饉德勳所至必先固圉廩以待儒謂左右曰成吾事者許蹈白也自是軍中謀議皆得預焉及儒敗于宣城與劉建鋒同入湖南以軍功奏授檢校太傅兼侍中殷代立以德勳為內外馬步軍都指揮使乾寧四年淮南揚

行密遣使來通好以梁祖擅朝政慮與殷為弟兄之國以絕梁殷欲許之德勳諫曰行密盜據淮甸抗衡中國明公義修職貢于朝為附庸一旦棄之前功盡廢他日朝廷問罪江表以我為同惡即王師先至湖上矣不如拒絕之安心王室長久之策也殷從之天復中淮人攻鄂杜洪求救于朝廷詔發荆湖澧朗兵以援之殷遣德勳與秦彥暉率舟師東下時荆南成汭知梁祖將篡曲意事之乃自擁眾乘巨艦直抵夏口為淮人所敗汭溺死德勳遂與朗州雷彥恭襲破荆南盡得其府寔及士女伶倫工巧之徒凡數千人以歸天祐二年又領兵畧地荆南還經岳州刺史鄧

進忠以城歸附遷岳州刺史梁開平初淮將冷業寇平江以德勳為東面行營步軍都指揮使去淮軍五里下營業以遊騎偵邏晝夜不絕德勳選習水者五十人斬木取其枝葉戴之各持長刀浮江而下夜犯業營令舉火為號俄而營中擾亂自相蹂藉大舉德勳以勁兵掩至大敗淮軍斬首千餘級擒業及裨校二十餘人以歸天成中淮將王彥章苗倫等寇岳州舟師萬餘人蔽江而下屯君山側殷遣德勳率艨艟戰艦千艘以禦之德勳謂諸將曰淮人遠來掩吾不備今若以全師臨之必懼而遁矣乃潛師屯角子湖偃旗卧鼓夜遣裨將王環以戰艦二百斷楊林浦絕

其歸路淮人覺之遲明淮人移軍荆江口將會荆南兵合攻岳陽德勳選輕艦三百令裨將詹信先襲淮人且行且戰德勳擁艨艟自後而至大戰荆江中淮人大敗斬首千餘級溺死者甚衆擒彥章及倫以歸而行密遣使來行成且請二將殷以禮歸之遣德勳餞彥章等德勳謂之曰楚國雖小舊臣宿將尚在慮公此歸勿以湖南為念若須得志當待馬子爭草然後可圖也彥章等愧謝而去是後馬氏諸子果爭立為江南所滅人以德勳為知言天成二年殷建國拜右相卒年七十餘子可瓊

卷一萬八千一百三十七第十頁

進忠湘陰人世為土豪兄進恩唐中和初為瀏陽鎮將黃巢之亂江湖荒饑進恩陰養死士千人以防寇盜會巢弟黃浩領惡少數千剽劫江左號浪宕軍轉入湖外大掠瀏陽進恩患之乃與進忠謀率壯士伏山塚間候浩軍半過橫出擊之浩軍大敗前後皆遁走浩僅以身免縣以事聞于州奏授進恩嶽州刺史天復中進恩卒進忠襲位天祐二年許德勳襲京南出戰艦臨其城進忠遣人獻牛酒開門納德勳大享將士德勳諭以禍福翌日舉族南歸長沙賜進忠鞍馬繒帛金銀器令權知衡州軍州事未幾奏授刺史同光中卒

卷一萬八千一百三十七第二十一頁

姚彥章

彥章字繼徽汝南人少倜儻有武略乾符中黃巢盜起秦宗權召募豪俊以彥章隸帳下善用鉄槊重百餘斤每上馬盤辟疾如旋風覩者壯之隨孫儒渡淮拔廣陵儒死宣城隨劉建鋒入湖南領廳直軍最被親信及建鋒遇害張佶傷髀不能視事佶與彥章首議迎殷遂遣彥章率所部逆殷于邵州殷初疑之猶豫未即還彥章入白殷曰劉龍驤張行軍與足下同功一体之人也不幸龍驤有不測之禍行軍以髀病廢是天意人望歸于足下何遽疑也殷釋然遂令彥章統衆先歸國內既定翌日殷至代立以功遷

長直都指揮使彥章建議平嶺北七州荐李瓊為游奕使
桂州平奏授靜江軍行軍司馬監軍府事遷檢校工部尚
書橫州刺史容南龐巨昭歸欵彥章率兵迎之遷寧遠軍
節度副使知容州事殷建國拜左相遷昭順軍節度使清
泰中加兼侍中卒卷一萬八千一百
三十七第十一頁

秦彥暉

彥暉上蔡人宗權之族弟父輒仕郡為牙校彥暉少伉勇
有知畧宗權將敗族人懼禍彥暉請隨族兄宗衡討揚州
宗衡為儒所害彥暉從儒攻宣州儒敗又從建鋒入湖南
為捉生指揮使光化中殷將平嶺北以彥暉及李瓊為七

州游奕使率兵平桂林虜劉士政以功奏遷檢校太保天
祐末淮將劉存劉威領戰棹攻湖南殷以彥暉為五城都
指揮使領兵三萬以禦之彥暉潛艘艫于上流以待淮人
又遣副指揮使黃璠分戰棹三百艘潛瀏陽口存以舟師
至越隄屢戰不利乃遣使送書于殷以請和殷欲許之彥
暉曰淮人多詐將緩我師而為變不可信也使者回以其
言白存時彥暉與存對水為陣存登岸遥呼彥暉曰我降
矣而公弗許古人有言殺降不祥公豈不為子孫計彥暉
怒曰賊踞吾城下而不擊奚顧子孫耶乃鼓躁齊進淮人
遁走黃璠自瀏陽口列戰艦橫絕大江合擊之淮人大敗

擒劉存至夕劉威以輕舸遁去彥暉親戮其裨校百餘人
以功奏加檢校太傅開平三年領兵攻朗州殺其將區景
思擒節度使雷彥恭及其宗屬雷彥雄等七人以歸朗州
平遷道州刺史乾化中代歸卒

卷一萬八千一百
三十七第十一頁

王環

環許州人少隸忠武軍秦宗樞據淮西以環有勇力召置
帳下後與劉建鋒從孫儒渡淮儒死宣城又隨建鋒入湖
南為捉生指揮使剽掠郢邑先登陷陣衆推其果毅建鋒
死殷代立遷水軍都指揮使略地上高擒淮將劉靖奏授
檢校司徒貞明初徙岳州刺史許德勳以舟師逃境上夜

中南風暴起環乘風鼓棹直抵齊安城中纔四鼓矣環挂
繩梯登城殺守卒十餘人引戰士直入州解擒刺史馬鄴
遲明城中驚擾德勳乃驅其官屬將吏寘入舟中大掠而
歸至纔口德勳謂環曰鄂人其邀我乎環曰我師入黃州
而鄂人不覺今奄至城下迅雷不及掩耳當自救無暇安
能邀我乃展旗鳴鼓成列而行鄂人不敢出至岳陽以所
俘獻殷大喜奏以環領黃州刺史天成初史光憲自京師
還為荆南高季昌所執奪明宗所賜名馬妓女殷遣環與
袁詮詹信率戰艦三百艘討之大畧于境上季昌遣將屯
劉即狀環進兵擊破之奪戰艦百餘艘遂逼荆渚季昌懼

請和取光憲以歸殷建國以環為左六軍副使長興二年
卒環善治舟師能以寡擊衆布衣糲食與士卒同甘苦每
戰罷必盡索傷者扶至帳前手自療治之鍼鈎鈐夾名膏
上藥常置坐右殷每部分諸將使之出征士卒得隸環麾
下咸相賀曰吾輩不畏死但获居王六軍隊伍中足矣其
為士卒所愛如此

卷一萬八千一百
三十七第十二頁

王贇

贇事希範為衡山指揮使時十五餘年境內無事但以所
部營飾宮室剏修佛廟而已贇求自試乃以為岳州刺史
乾祐初希範率兵攻湖南希廣以贇為都部署率衆禦之

敗朗軍於僕射洲奪戰艦三百艘希範復大舉兵攻長沙
路由岳陽贇堅壁自守希範不敢逼遣人謂贇曰比約與
君同行今何異心也贇曰大王兄弟尚不相容何責將吏
之異心也希範入長沙無傷同氣臣守岳陽敢不盡臣
節希範感其言及篡位奏授贇永州防禦使淮將邊鎬據
湖南有占者云王氏繼馬氏時議以贇有世功當應其讖
鎬白于李璟乃授贇鎮南節度使賜袈衣巾帶以毒冥巾
帽中未幾贇腦裂而卒

卷一萬八千一百
三十七第十二頁

李瓊

瓊蔡州汝陽人少以翹勇選隸秦宗權帳下後隨孫儒渡

淮儒敗又從劉建峯入湖南為親從都裨校殷代立遷本
軍指揮使時湖外初朝土宇未廣議者復請規取嶺北七
州之地乃命瓊與秦彥暉為七州游奕使張國英李唐為
之副兵克永道郴連四州因水陸齊進屯全義嶺時桂州
劉士政遣副使陳可璠營嶺下指揮使王建武營秦州以
拒我師彥暉三戰不利會全義民請為鄉導瓊詰之對曰
此去西南有古路背戾闕拒秦裁五十里雖生荆棘可通
單騎瓊乃白彥暉請以步卒三百騎兵六十以巨槩長劍
銜枚夜襲秦城至建武營繞三鼓矣時營中士卒不虞我
師之至皆熟寢令騎兵分布柵外自以牛草蒙柵門踰入

士卒隨之營中亂自相蹂躪斬首百餘級衆遁走擒建武
而歸遲明至大寨係建武以素練示可璠營中可璠不知
我師已破秦城寨猶鼓噪未信乃斬建武投首營中士卒
震駭彥暉因其驚擾以全軍擊破之擒可璠降其將吏二
千餘人欲部送歸湖南瓊曰我以七千人討桂林若分兵
以送降者前有大敵何以當之此敗軍烏雜其心不一不
如殺之以全軍直趨桂林此席卷之勢也于是盡坑降兵
自秦城以南猶有二十餘柵皆迎風而潰瓊以先鋒兵躡
之比至桂林殺戮萬計遂圍其城九日而士政降彥暉班
師殷以瓊為桂州刺史令經畧嶺南遂襲容州降龐巨昭

明年又與呂師周克韶賀梧三州瓊魁岸多力每食肉十
餘斤踞案大嚼眈：然軍中號曰李大蟲先是桂林兒童
聚戲衢路中忽相驚走曰大蟲來大蟲來至是果應瓊治
桂林三年招納逋遁法令寬簡吏民便之開平中卒于治
所年六十八卷一萬八千一百
三十七第十三頁

呂師周

師周廣林人呂將蒙之裔孫也父珂少以勇敢隸楊行密
帳下累戰有功遷黑雲都指揮使師周少勇敢任氣隨父
征討臨陣未嘗介胄金創被体而談笑自若衆皆服其果
毅珂卒行密令代其父為指揮使天祐初副指揮使綦母

章以所部兵屯上高與湖南為敵境累戰殺傷者萬餘人
遷袁州刺史師周性豪率頗通緯候及兵書自言世將家
子不可保富貴每恣為杯酌狎客常十餘人醉必起舞或
擊節狂歌慷慨泣下行密聞而疑之密遣人偵其動靜師
周不自安乃謀于綦母章曰吾與湖南對壘有日矣觀其
營上雲飛常紛：然未易敗也馬公寬仁待士有礼吾欲逃
死馬公以為如何章曰公自圖之章舌可斷而言不洩也
乃遣牙將呂蔚通款于我開平初以所部兵大獵境上
因歸于湖南章縱其親隨之人殷聞師周至甚喜曰吾方
圖崩表得師周足矣即以為步軍都指揮使領袁州刺史

明年率兵攻韶賀格象龔富等州與劉隱公十餘戰而克之奏授韶州刺史乾化中領兵破飛山蠻斬其帥潘金盛諸蠻悉歸欵奏遷檢校太傅清泰中卒

卷一萬八千一百三十七第十三頁

廖光齊

光齊有武幹事殷為決勝副指揮使天成末從許德勳討荆南屯兵沙頭高季昌之子從嗣為雲猛指揮使驍果無敵一日單騎薄德勳營衆不敢出光齊怒言于德勳曰此駭童也請為公擒之乃介馬援槍而出與從嗣格鬪良久光齊偽墮馬從嗣奪槌以擊之反為光齊所擒時季昌以數十騎現于台上見其子被擒亟令騎士來請及入營光

齊已拉殺之矣季昌大慟翌日遣使請成光齊以功遷決勝指揮使性簡傲使酒因爭飲令毆同列黜為邵州教練使未幾復舊職討溪州蠻中流矢而卒

卷一萬八千一百三十七第十四頁

彭玕

玕吉州廬陵人世居赤石洞為酋豪黃巢之後江表寇盜蜂起玕于鄉里保聚徒衆得數千人自為首領捕逐群盜有功本州補玕承新制置使玕雅好儒學精左氏春秋當兵荒之歲新在飢饉玕延接文士曾無虛日治具勤厚人多歸之廣陵筆工李鬱者善為詩玕嘗貽書與鬱以白金十兩市一筆又令鬱訪石本五經卷以白金百兩為直

廣陵人相謂曰玕以十金易一筆百金酌一卷况得士乎
于是蕭謨等數人咸往依之鍾傳據江西其裨將韓德師
叛傳令其弟城攻破之斬獲甚衆軍政戾肅樵採不犯傳
以城為吉州刺史未幾以玕代之玕以傳為輔車之勢會
傳死楊行密將攻破豫章虜鍾匡時玕懼將圖據湖南先
遣其黨教贍李緒來致書于殷且覘殷之起居殷勞之翌
日大晏府中將吏畢集以贍為上客贍等歸以語玕曰馬
公龍鬚鳳眸大人之表其將吏輯睦少長有礼未可圖也
玕默然開平中撫州危全諷率袁言之兵以復豫章至象
牙潭淮將周平擊破之玕乃以所部并其族千餘人歸欵

于我殷發兵境上援其輜重至即奏授郴州刺史隴西郡
公以希範甥玕女天成中玕卒年七十三兄鄴弟城子繼

英繼勳卷一萬八千一百
三十七第十四頁

劉昌魯

昌魯字安國相州鄴縣人唐末明經登第釋褐項城主簿
累遷至尚書郎乾符中出為高州刺史黃巢寇嶺南郡縣
離折昌魯使其居民據保障以自守一境獲安就遷防禦
使劉隱入廣州遣其弟襲領兵攻高州昌魯率勵丁壯逆
戰於城外大破襲軍自以地小力寡終慮為隱所吞開平
初乃致書于殷曰僕昔占籍鄴中受恩唐室莅高三歲邊

黃巢之亂收合生齒堡於掠山因深為漸憑高作壘攻苦
食淡以勤士卒洎盜賊平定一境獨全高掠之民至今相
戴而中原多故嶺南不賓劉隱亂常備興師律舉蠻貊之
衆成吞噬之心僕常訓勵甲士躬當天石埽壘一戰劉巖
遁走雖仗義者必勝恃力者必亡然而山越之人瘡痍衆
矣殘民以騁所不忍為昔古公去豳實融歸漢千古之下
迭為推美僕雖庸愚景慕前烈竊惟明公負江湖之固有
桓文之業土宇至廣仁風素厚愿以所部歸款于執事謹
刺血染翰上達誠悃惟明公圖之殷覽書甚喜即遣指揮
使張球率兵迎之昌魯盡輦其帑庫及士卒千餘人歸于

湖南奏授永順軍節度副使兼行軍司馬天成中卒卷一
千一百三十
七第十五頁

鄧處訥

處訥邵州龍潭人少為州兵累遷至軍校唐乾符中從閔
項征蠻于安南黃巢之亂盜殺潭州觀察使李勗城中無
主會項自安南回以所部兵駐郡中傳檄諸州同捍寇盜
境內以安遣使奉表于朝詔以項為檢校右僕射欽化軍
節度使潭州刺史處訥從項久在安南及是欲歸邵州省
其親族項回署處訥為邵州兵馬留後未幾衡州刺史周
嶽舉兵殺項殺之因據長沙處訥編素發哀名集將吏諭

之曰閔僕射駐軍長沙親捍寇盜布衣糲食以養士卒救
民于塗炭恩德厚矣不幸為鼠輩所圖今欲與諸軍問罪
于周嶽可乎衆皆曰留後為善人雪冤敢不從命乃以精
卒二千襲嶽殺之梟首于東市遂據其城慰撫將吏中外
胥悅時景福二年也既而州人以狀聞于朝廷詔以處訥
為湖南節度兵馬留後乾寧元年劉建峯領衆自豫章處
訥遣其鄉豪首蔣勛等領步卒三千斷龍回關殷先至閔
名勛等諭以禍福仍許奏授官秩勛衆皆喜是夕乃棄鎧
甲旗幟潰郢州明日建峯令前鋒兵盡被郢軍鎧甲張
旗幟直趨潭州薄城東門守陴者不之覺且謂郢軍之回

也門啟前鋒兵徑趨府中將吏驚走是日處訥內晏集寮
屬了無禦備裨將宋全節就擒處訥斬于長史橋側卷一
千一百三十
七第十八頁

龐巨昭

巨昭不知何許人唐末為容州觀察使精天文緯候之學
黃巢入廣南巨昭括部內諸蠻得數千人親自送練分屯
險隘巢寇憚之不敢犯其境以功加寧遠軍節度使開平
初高州劉昌魯率衆歸附殷遣姚彥章李瓊率兵迎之長
驅而南前鋒至容州巨昭將婦歛于我乃大亨將士而謂
之曰李瓊甲馬雄盛乘席卷之勢必來侵我何策以禦之

裨將莫彥昭對曰瓊軍遠來士卒疲乏請盡徹儲糧潛兵山谷空城以待之瓊至當據吾城外無救援我以全師掩其不備決旬之間瓊可擒也巨昭曰吾現楚氣甚銳未易破也不如以牛酒犒其軍爾輩不失為富家翁足矣彥昭不從巨昭殺之迎勞瓊以軍徑赴城中俄而廣南劉隱率衆來我師不能守于是盡輦其府寔驅其人民以歸巨昭挈其族數百口隨歸長沙殷久聞巨昭之名遣使慰勞即日奏授檢校太傅領容管經畧使巨昭在嶺南嘗占翼軫間有善星因謂所親曰劉隱兄弟不道殘害良善吾終當逃難于長沙至是果歸附人或問湖南與淮南國祚長

短巨昭曰吾入境來聞童謠曰三羊五馬子離羣羊子無舍自今以往馬氏當五主楊氏當三主後皆如其言貞

明中卒年七十六

卷一萬八千一百三十七第十九頁

彭師曷

師曷溪州人世為諸蠻酋長父士慙唐末溪州刺史其地西接牂牁林南抵桂林象郡東北控澧朗方數千里山水險惡舟車不能通其蠻有六種盤氏為大即盤瓠之種也俗無文法約束繫于酋長當士慙之世昆弟強力多積聚故能誘脅諸蠻皆歸之勝兵萬餘人春夏則營種秋冬則暴掠而長沙四境最被其患天福五年士慙遣使通款

于蜀且請兵同寇澧朗辰三州大略縣邑希範遣指揮使
劉勅全師率衝山步卒五千以救之勅等擊敗其兵士慙
遁去遂進兵襲溪州：五山頂為堡四面斗絕勅選壯士
緣崖梯山縛棧以道圍守之士慙夜舉烽火以集蠻軍勅
于溪澗中置毒蠻軍至飲其水者皆病嘔不能戰死者甚
衆一日南風暴起勅以火箭射堡中盡焚其廬舍蠻軍多
死士慙乃率夜逾絕險遁入獎州遣師曷率諸蠻酋長田
汧贊覃行方向存祐羅君富等携牌印納款于勅：
班師與師曷等歸長沙釋其罪厚賜而遣之奏授士慙溪
州刺史兼溪洞招撫使以師曷補武安軍牙校師曷有勇

力善射累從諸將征討有功遷衝山指揮使希廣襲位改
強弩指揮使領辰州刺史希萼舉朗州之衆以攻湖南列
戰棹于水西軍勢甚盛師曷登城覘之白希廣曰朗人驕
而輕雜以蠻兵其勢易破請假臣步卒三千人南自巴溪
渡江趨嶽麓後夜擊之請令許可瓊以舟師陣于山前破
之必矣希廣因與可瓊謀堅阻止之翌日師曷見可瓊于
軍門坐談戰事師曷瞋目叱之曰汝反文在面即日當投
賊何庸論戰耶拂衣而去乃白希廣請誅可瓊希廣不從
師曷退而歎曰禍乱如此王稔惡無斷敗亡可待矣及朗
軍攻長樂門可瓊果束甲以入于賊城陷師曷被擒希萼

命釋之師高溪洞人性獷直不喜阿附屢為希萼以罪笞責及希崇篡立立師高衛送希萼囚于衡山欲使殺之于路而師高奉事彌謹終以保全因與指揮使廖偃同謀立希萼為衡山王後隨希萼歸江南李璟聞其忠節擢為殿直指揮使後卒于金陵

卷一萬八千一百三十七第二十一頁

劉言

言吉州廬陵人少事彭玠為伍長以勇幹聞開平中玠納款于湖南言從歸長沙希範即玠之壻也出鎮朗州召言為牙校及希範褒位溪洞酋長多求款附乃以言知辰州軍事以鎮撫諸蠻便之未幾奏授辰州刺史希萼入湖南

百役繁興靜江軍指揮使王逵周行逢叛歸朗州初希萼令其子光贊為朗州留後逵至廢之以馬希振子光惠權軍州事光惠庸懦不能馭羣下但酣營淫戲而已將吏患之逵等懼亂遂與行逢謀遣人往辰州請言為副使言素知逵等兇暴謂其徒曰南方禍亂方始今若不往必加于我矣于是盡留所部以單騎行逵等遂廢光惠推言權留後事時周廣順元年也言既立遣使詣闕上表又遣使納款于李璟求授節鉞璟未之許也會希崇逐希萼而自立請援于江南璟遣其將邊鎬率師入長沙盡俘馬氏之族歸于金陵二年冬璟又下詔召言入覲言不行因令副使

王逵行軍司馬何景真指揮使張倣蒲公益朱全瑋宇文
瓊周行逢彭萬和潘弁嗣張文表等號十指揮使同率兵
攻湖南逐邊錫之奔歸江南言乃以逵權知潭州軍府事
遣使詣闕上表且言逐江南賊軍復馬氏疆土之意周太
祖遣使來宣慰三年正月言又遣使上表以長沙經兵火
焚毀請就以朗州為治所周太祖下詔升朗州為大都督
府在潭州桂州之上以言為檢校太師同中書門下平章
事武平軍節度使逵為潭州刺史武安軍節度使景真為
桂州刺史靜江軍節度使指揮張倣而下孟頴刺史為節
度副使或行軍司馬皆言奏請之也是月又遣牙校張崇

嗣置邸京師歲時修貢周祖下詔賜言舊屬湖南在京及
諸處莊宅邸店時王逵為節度使周行逢為行軍司馬專
制湖南雄威漸盛言懼其為變將圖之逵與行逢謀先六
月逵率所部兵入朗州殺言部將鄭玫叔言因於別館誣
奏言與江南通謀誘引淮賊將并潭朗之地以歸金陵八
月周祖下詔奪言官勒歸私第委逵以便宜安置復下詔
令逵歸治潭州乃以潘叔嗣權知朗州軍府事未幾令叔
嗣殺言於武陵初民間謂為劉豨牙馬氏將亂湖南有謠
言曰馬去也不用鞭敲牙過今年及邊錫入長沙盡俘諸
馬歸金陵錫尋為王逵所逐奔歸江南是歲言亦為叔嗣

所殺皆其驗也

卷一萬八千一百
三十七第十五頁

王逵

逵朗州武陵人或名進逵少以驍勇選為靜江兵希萼入朗州累遣討賊有功遷本軍指揮使乾祐三年希萼攻湖南令逵領戰掉為前鋒陷長沙希萼既立逵有力焉時剽劫之後城中帑庫盡以毀焚賞賜不足又重構府署執後者皆靜江士卒相與怨憤聚而謀亂副指揮使周行逢聞之以告逵曰士卒怨懟深矣不早為計難將及我是夕乃擁其衆以長柯巨斧斬關以出遂歸武陵時希萼方醉逢明始遣裨將唐翥領兵追之不及因徑趨朗州士卒皆重

趺不復成列逵先已入城伏卒門下翥至逵縱兵擊之翥軍大敗追殺殆盡翥僅以身免逵乃遂留後馬光惠請辰州刺史劉言為帥未幾長沙兵亂指揮使徐威等廢希萼而立其弟希崇因希萼於衡山行軍司馬廖偃與指揮使彭師高共立希萼為衡山王將納之希崇懼納款於江南且請兵為援李璟遣其將邊鎬率師入長沙盡遷馬氏之族歸於金陵璟以鎬為武安軍節度使又遣將劉仁贍率師取岳州鎬將圖朗州密白璟請召言入覲言不行謀於逵曰江南召我不往必加兵于我矣為之奈何逵曰鎬之此來以制置潭朗為名公如東行正入其美武陵負江湖

之阻帶兵萬衆乃欲拱手臣異姓乎鎬新至長沙經畧未
定乘人心憤怒引兵攻鎬可一鼓而擒也言然之乃遣興
何景直等同起兵於武陵弭十指揮使以攻邊鎬達率舟
師南上至長沙邊鎬大駭以所部奔歸江南諸州屯守皆
罷去盡復湖外之地時廣順二年冬也達遂據長沙與劉
言同遣使上表于朝三年正月周祖下詔褒諭以達為武
安軍節度使達出於行陣本無鈐畧不能馭羣下時諸指
揮使授詔為節度副使者數人多留長沙各置牙兵分廳
案事軍政淆亂將吏患之每晏集府中喧嘩如市達莫能
禁止會廣兵乘間盡取梧桂郴連之地達率衆南征敗於

蟻石而還時何景真朱全瑋同在武陵與劉言不協各謀
為亂言又以達專制湖南慮其難制將并長沙之地達大
懼因與周行逢謀召景真全瑋領兵討桂林至皆殺之又
殺張傲於府中景真之姻也乃率所部兵襲武陵幽言於別
館誣奏言欲併潭朗歸款於江南周祖下詔委達以便宜
處置達既殺言遂移治治武陵時顯德元年也世宗下詔以
達為武平武安等軍節度使三年世宗征江南詔達為南
面行營都統以所部兵逼鄂州攻其長山寨而還復領衆
逼宜春道出長沙耀兵金波亭有蜜蜂集繖蓋中占者以
為不利遂留長沙令行營副使毛立領兵南下以潘叔嗣

張文表為前鋒叔嗣怒至澧陵擁衆而還達聞兵叛乃乘輕舸奔歸武陵叔嗣追殺之於朗州城外

卷一萬八千一百三十七

第十

六頁

周行逢

行逢武陵人少無賴與王逵同里俱為靜江兵事希萼為小校從希萼攻湖南陷長沙靜江軍叛隨逵入朗州破追兵於城門下殺千餘人逵攻邊錫令行逢領步卒趨益陽拔其寨殺江南兵二千餘人擒其將李建期逵平湖南周祖下詔以行逢為集州刺史充武安軍節度使行軍司馬劉言將併潭朗逵聞而憂之以語行逢行逢曰言本江西

反後景真全瑋合暴無職相與為亂必矣會廣南兵寇全義行逢乃與逵密謀白於劉言請以景真為南面行營招討使全瑋為先鋒令會兵于湖南北至皆殺之逵攻劉言於武陵以行逢權知潭州軍府事顯德元年世宗下詔以行逢為武清軍節度知潭州軍府事逵奉詔領軍征宜春至長沙不行遣副使毛立潘叔嗣張文表統衆南伐行逢久專湖南之務頗任威刑逵屢以言規之行逢不悅叔嗣又怒逵即安而令已起難頗出怨言叔嗣將行行逢餞之泣曰吾見師之入也叔嗣懼至澧陵邑吏請以牛酒犒師毛立不許士卒皆怒叔嗣乃與張文表械立送於行逢

明日擁衆回長沙叔嗣既殺達乃迎行逢歸治朗州行逢
至懲王達之亂斬叔嗣以徇遂自領兩鎮留後遣使奉表
詔以行逢為朗州大都督武平軍節度制置武安靜江等
軍事乃表宇文瓊為武清軍節度使張文表為衡州刺史
領親衛都指揮使彭萬和為永州防禦使觀察判官李觀
象通判軍府事擇毛立為水軍都指揮使行逢既得志恣行
誅戮達之子弟及門將吏死者百餘輩性猜忌每遣人伺
察郡縣守宰有聚飲偶語者必逮捕下獄以謀及誅宇文
瓊彭萬和與行逢族兄飲酒疑其謀反夜遣甲士圍其第
盡擒殺之麾下之人皆重足脅息五年朝廷遣使儲魚鹽

於境上行逢懼乃繕治戎器增築城壁閱諸州鄉兵大修
武備皇朝建隆三年以疾卒年四十六葬武林之肩山子
保權嗣行逢性殘忍然為治嚴整不詢私黨躬履儉約以
率群下辟署官吏必取廉介之士條教簡約民甚便之有
女婿求補吏不許給以耒耜而語之曰吏所以治民也汝
才不能任職豈敢私汝以祿姑歸墾田以自活也其妻嚴
氏不入府署躬率奴僕耕織以給賦調人民化之率務稼
穡四五年間倉廩充寔尤崇信釋氏常設大會齋緇徒畢
集行逢徧拜之捧椀執悅親侍湔洗因謂左右曰吾殺人
多矣不假佛力何以解其冤報乎

何景真

景真武陵人少以強武隸朗團軍希萼入朗州署步軍都指揮使乾祐三年希萼攻湖南命景真率步騎三千出竹柵屯兵楊柳橋以逼其城湖南指揮使韓禮率騎步五千陣於橋西景真登橋望之見旗幟不整曰此非我敵也乃縱兵擊之潭人大亂奔入京中禮被破傷至其家而卒明日城陷希萼之攻長沙也以其子光贊守武陵至是既平湖南乃以景真為朗州衙內指揮使以翊光贊王逵周行逢叛於長沙以所部兵奔歸朗州廢光贊奪其印綬而立馬光惠景真不能拒後又與王逵同請劉言為師會希崇

逐希萼而自立請援於江南邊鎬率師入長沙劉言王逵同謀逐鎬乃結景真為十指揮使率舟師同攻湖南鎬遁走奏授景真檢校太尉靜江軍節度使景真求歸治所言不許留於長沙與王逵不協求歸朗州許之時劉言已為使相景真不能下之每使酒悖慢言不勝其忿且意王逵等遣景真伺已也將誅逵景真亦欲殺言以據朗州事未及發逵皆偵知之因與周行逢密謀將先誅景真後圖劉言會廣南兵入境因偽召景真為招討使會兵於長沙景真即日以牙兵百餘人徑往湖南逵迎勞於郊相見甚歡館於馬氏之故第宴飲彌日多選妓女寘帳幄中景真留

連月餘達乃遣人偽自朗州來者傳劉言之命就詰景真曰邊寇搶攘委公以戎事公耽淫縱酒遲留不發太師以公觀望命械公歸西府時景真已醉愒恍不知所為乃俛首就縛送朗州殺之於路卷一萬八千一百三十七第十八頁

九國志卷十二

宋張唐英補撰

北楚

武信王於梁開平元年據有荊州旋得歸峽至宋竟德改元國除傳襲四世五帥凡五十七年。按

世家

歐史作南平十國紀年及宋史作荆南

武信王

姓高名季興字貽孫陝州硤石人本名季昌避後唐諱更今名初隸朱友讓得見全

忠奇其才命友讓畜為子冒姓朱氏補制勝軍使天復三年拜宋州團練使徙潁州防禦使復

姓高氏梁開平元年五月練使徙潁州防禦使復四年八月封渤海王龍德三年十月戊寅梁亡

入覲于後唐同光二年三月丙午封南平王天

成二年因掠唐所部送蜀貨削官爵乾貞二年

文獻王

名諡武信字遵聖季興長子既襲位以爲

明年唐天成四年也。是年七月甲申，唐復以為節度使，追封季興。為楚王長興三年二月，賜爵渤海王。應順元年正月，改封南平王。荆南介於吳楚，自吳稱順帝而南，漢閩楚皆修貢中原。假道復還，自亦無慙色。其後南漢與諸道移書請責，即嚮稱臣，利其賜予。諸國目為高賴子，又曰高無賴。山鄉文獻漢元年十一月癸卯，薨年五十八。葬龍

貞懿王

貞懿王名保融，字德長。從誨第三子。漢乾祐元年二月，封渤海郡王。顯德元年正月，薨。年四十一。葬龍山鄉。

侍中

名保融，字省躬。從誨第十一子。保融同母弟也。保融即三世宋以為荆南節度使。建隆三年十一月，贈侍中。

侍中

名繼冲，字成和。保融長子。保融既歿，宋以為降。十月，至闕下。授武寧軍節度使。鎮壺門。幾十年開寶六年卒。年三十一。贈侍中。

列傳

李景威

李景威

景威，公安人。幼隸于軍，頗有智略。累以戰功遷雲猛指揮副使。保勗以為衙內兵馬副使，繼冲嗣立，多委任之。初聞慕容延釗等伐張文表，景威乘間見繼冲，曰：「今王帥雖稱假道，以收湖湘，然觀其勢，恐因而襲我。」景威欲效夫馬之力，願假兵三千人于荆門中道險隘處，設伏俟其夜行發。

伏攻其上將王師必自退却回軍收張文表以獻于朝廷
則公之功業大矣不然則有搖尾求食之禍繼冲曰吾家世
世貢奉朝廷必無此事爾無過慮况爾非慕容延釗之敵
也景威又曰俗傳江陵諸處有九十九洲若滿一百則有
王者興自武信王之初江心深浪之中忽生一洲而滿百
昨此洲漂沒不存茲亦可憂繼冲又不聽景威知計不行
自扼吭而死及王師入城繼冲悔不用其言太祖聞景威
之計曰彼忠其主也命王仁瞻厚恤其家

卷一萬八千一
百三十七第二

三楚新錄卷之一

儒林郎試秘書省校書郎前桂州修仁令周羽翀編

馬氏諱殷上蔡人也自云狀波之後唐末擢亂所在蒙
俠競起時殷方處卒伍之列隨渠帥何氏南侵長沙據
之殷戰頻有功何乃擢為裨將且命為邵州刺史殷寬
厚大度能得士之死力何氏卒諸將在外者皆擁兵歸
以爭其佐唯殷領士卒如故且素服為何氏發喪識者
謂之知禮未幾衆軍各殺其帥使人共迎殷為主初衆
軍之迎殷也值夜殷甚疑懼欲拒而不行將曉忽覩一
人黑色而貌甚雄偉手執大棒躬趨進報曰軍國內外

平安俄而不見由是殷以為嘉兆其心始安乃謂所侍
曰吾之此行未必不為福及至眾果欣躍而奉之殷立
且使人間道上表僖宗在蜀聞之甚悅據其表遣使朱
書御札許自開國立臺置卿相分天子之半伏為揚行
密據有淮南聞其建國且遣舟師數萬伐之比至城下
殷登樓指麾一鼓而破其兵伏屍流血湘水為之丹焉
自是四方攝伏無敢侵之嶺外廖先圖光自招陽叛舉族
來奔其部曲隨而至者數千人殷以其豪而眾多將拒
而不納或有諫者曰廖者料也馬得料必肥是家國強
霸之兆何為而拒之遂待之以禮因命先圖光為永州刺

九國志作李瓊

史光圖且陳南越可取之宜言甚激切殷亦將開拓疆
土聞其所陳甚善使其部將李勳將數萬眾擊南越未
數月拔桂管十八城劉龔惧而乞盟勳則李老虎也勇
壯絕倫每一食費肉十數斤皆割為大臠而啖之故時
人號曰李老虎先是桂管兒童每聚戲呼曰大蟲來號
呼而走及勳拔桂管論者以為應莊宗反正下詔徵諸
侯入覲武穆以年老不行命長子希範入朝希範多辯
善於應對及至莊宗謂曰朕聞鄉部內有洞庭湖其波
無際有之乎對曰有之陛下一旦南巡狩則此湖不足
以飲馬耳莊宗大悅既而曰比聞馬氏之國必為高郁

所圖今有子如此高郁何能可得邪高郁殷之謀臣也
莊宗將去其瓜牙故以是言離間之而希範不察及歸
果使人構其罪郁竟至棄市自是識者知其不克霸焉
初希範之入覲途經淮上時桑維翰旅游楚泗間知其
來遽謁之且曰僕聞楚之為國挾天子而令諸侯其勢
不可謂之卑也加以利盡南海而公室大富足下之來
非傾府庫之半則不足以供芻粟之費今僕貧者敢以
萬金為請惟足下濟之希範輕薄公子覩維翰形短而
腰長語魯而且醜不覺絕倒而笑之既而贈與數百緡
維翰大怒拂衣不顧而去及殷薨希範立時維翰已為

宰相奏削去半伏正稱天策上將軍楚王而已其卿相
臺閣皆罷之然希範性剛愎好以誇大為事雖去半使
而軍國制度皆擬乘輿乃大興土功建天策府中構九
龍殿仍以沈香為龍其數八各長百尺皆抱柱而相向
佐趨捧之勢而希範坐於其間自謂一龍也每凌晨將
坐先使人焚香於龍腹中烟氣鬱然而出若口吐烏自
近古以來諸侯王之奢僭未有如此之盛者也時處士
戴偃賢而有才嫉其過度自稱元黃子作漁父詩百篇
諷之希範聞而不悅遂禁錮士庶無与之交偃竟至餓
死麾下將丁思覲雄傑之士以希範氣度不廣乃上書

曰今四海分裂中原之地總十數州而大王克紹先業
為諸侯之長未聞折一馬箠為天子計此愚臣所以為
耻也惟大王思之希範覽而怒未几幾削思觀官希範媿
而無禮至於先王妾媵無不丞通又使尼潛搜士庶家
女有容色者皆強取之前後濼約及數百然孔有不足之
色乃曰吾聞軒轅賦五百女以昇天吾其庶幾乎未几
死大為識者所笑先是既殺高郁數覩形影將死郁又
晝見時謂之冥報為時異母弟希萼為永州刺史聞其
死自以長而當立具舟楫以歸及至長沙衆且立嫡弟
希廣矣遽命希萼為鼎州刺史初牙將張萬敵建議以

希萼居長立之則順而記室李皋爭之曰吾聞立嗣君
必以冢嫡希萼乃婢妾所生安可立之乎萬敵退而嘆
曰惜哉季公禍自此始未幾希萼果自鼎州舉兵叛將
襲長沙希廣聞之遽命將許可瓊拒之既而可瓊倒戈
以降希廣計無所出然素好釋氏乃披緇服召衆僧念
伏佛以為禳厭比及城陷念誦之声不輟其為墨昧皆此
類也尋為希萼縊殺之且命捕李皋有擒而至者希萼
責之曰吾雖生於庶孽然托體於先君汝何見毀而不
使吾繼立耶皋無以對命壯士擣其肉而殺之先是皋
問術士陳承福曰吾壽幾何對曰九十至是議者以為

九十乃倉卒而死為既而希萼媼於酒色多為不道小門使謝延澤有美貌希萼必幸之每引延澤入內閣與妻妾間坐而飲大為衆心所惡其弟希崇乘其釁而作亂擒希萼而困於衡陽既而悔為遽命舟楫而追之約於長沙南五十里地號昭澤沈之路經衡山縣豪族廖光國子仁勇聞其來與叔疑議曰希萼長而被廢今又見追此必不免吾屬受先王重恩而不能為之除禍亂安社稷豈所謂居水土乎乃率數百人劫而立之號衡山王以衡山縣為府且使人募兵數日之間衆及一萬郡縣多起兵應之希崇懼俱求救於吳時吳命邊鎬將兵

來救其實伐也初童謠云鞭打馬急走鎬至希崇知其謀又將拒為或以童謠為言希崇不得已遂降及希萼見鎬且請入吳於是鎬以禮遣希萼及希崇舉族而行先是吳加兵而來以鎬多藝且使詐為僧以游長沙既至且弄鉞行乞未几詐亡去故吳竟以為將而鎬非將才每出師皆載佛事而行時自祝以請福由是三軍解體及武陵酋豪王逵擁兵至竟宵遁焉先是馬氏之強聞海內諸院公子長幼各八百餘人皆為侈靡放蕩為務識者多非之公子之徒聞而且恐時有國使張氏給之曰彼所以見非者恐祚之不永也知君昆付之衆

使更而王亦有八百年之家國何憂何懼乎於是時郊
外有鄧翁者聞而歎曰文武之道未嘗介意而更納虛
誕之說以自安此輩吾見其死於溝壑有白矣及邊鎬
師至果驗然星散寒餒而卒者過半焉

三楚新錄卷之一終

三楚新錄卷之二

儒林郎試秘書省校書郎前桂州修仁令周羽翀編

周氏諱行逢武陵人也世畊鋤爲業嘗犯法顯德中馬
氏荒亂吳命邊鎬將兵伐之浹旬盡有湘中之地時鎬
雖尅勝然安撫無策故民多怨叛武陵酋豪王逵劉咬
牙等十數人乘衆心之怨謀舉兵襲之未數日而有八
千之衆行逢始預焉倍道兼行遇夜奄至城下於是鼓
譟斬門而入時鎬軍驟勝士卒解甲不復防禦又當昏
黑之際忽聞兵入倉卒驚駭計無所出皆束手就戮遲
明死者十有八九鎬以單騎遁走於是逵據其地直表

於朝廷天子嘉之就除湖南節度兼中書令逵素雄豪
得志之後不拘小禮其車服制度擬於王者先是吳有
術士言南楚之分氣色甚盛以目覩之將有王氏起馬
偽主聞而憂之且問曰今之諸將處於南楚者誰為王
姓或對曰有永州刺史王溫耳偽主疑其當之謀殺溫
且遣使拜溫為征南將軍賜以印綬巾帶仍密於中中
置毒及使至溫拜命著巾俄頃腦裂而死未几逵舉兵
襲長沙而據之即其應也逵好功名嘗秣馬勵兵以俟
潛使人察其姓名一旦卒然除去自是管內稍清肅
至於建官設職亦皆慎其選擇嘗有女壻乞補吏行逢

度其非才乃曰吏所以理民也今觀汝不堪其事吾當
為汝置鋤犁鋤教其汝能用之鉏種以養老幼亦是美事
何祿之求於是竟不補焉時一方翕然號為英主然多
猜忌好發人陰事故麾下將帥恐其不免多有謀叛而
行逢亦能預為之備往々事未發而誅於是公府凜然
入之者若覆冰雪先是前進士何景山為主逵記室每
輕忽行逢行逢得志命景山為益陽令未几因事縛景
山投之於江謂曰汝嘗佐王逵今王逵已死且為我告
龍王其殘忍皆此類也故天策學士徐仲雅有清才然
其性好以滑稽滑稽輕薄為事國破之後傷於凍餒行逢素

聞其名且以窮困困謂必能改節因使召之命為節度判
官初王逵之起兵也知設官有輕重權欲其得衆苟能
應募皆置司空太保以誘之自是武陵村落鄽市豪橫
之輩稱司空太保者無筭及仲雅至行逢問曰自吾遷
鎮西土控雄盛之地四境懼之乎仲雅對曰公管內滿
天大保滿地司空何不懼之行逢不悅未幾大宴僚吏
征戰時行逢已為麾下將衆頗伏其才畧逵因命為副
貳行逢雖受命然終以逵非君長之才自是密結腹心
以圖之未幾幾逵自領兵侵南越留行逢知留後事而行
逢因忽謂所親曰王公逵必不返然以後事付吾者所

征戰句
有脫

謂以雲雨資蛟龍也吾何憂乎及逵方至桂陽果為越
兵所破逵僅以身免既而死於路行逢竟代其位時軍
吏多武陵人咸威有戀土之心或說行逢曰夫富貴不還
鄉如衣錦夜行公起於徒步自署為列候可謂富且貴
矣然而無西還意使鄉人父老平生親知將何以瞻望
風采邪行逢感悟即日命駕歸武陵以武陵為西府且
使人迎其妻潘氏潘貌素陋然為性剛烈雖行逢已為
侯王而待之蔑如也先是所侍皆勸之使詣行逢笑而
對曰夫人為心自非聖賢必多變動以吾既老且配雖
欲往而公豈以囊時之曩心相向哉唯有死而已時聞者

未以為然及使至果不從命唯躬率婢僕以畊織自給
至於賦稅亦及時輸納未嘗逋欠行逢止之而不從曰
賦稅者官物也豈以已為主而自免之哉行逢聞而有
慚色時兵革之後郡邑官吏以聚斂為務行逢患之乃
而仲雅在座行逢又與之論事然行逢夷音每呼字音
多誤仲雅因戲之曰不於五月五日剪却舌頭使語音
乖錯如此行逢大怒然仲雅嘗歷事馬氏諸士民信之
久矣故不敢加誅後仲雅竟以忤旨去職因退居山寺
暇日視群僧爭剝椽枝乃咏其樹曰葉似新蒲綠身如
亂錦纏任君千度剝意氣自衡天蓋怨行逢之斥而謗

之也有劍洵美者連郡人也登進士第將歸連上箋行
逢署館巡官洵美背偃時謂之鄧馱為性迂僻皆類
其形衆咸不悅之故雖處幕府僚而食貧不暇給同年
王溥為相聞洵美不得志乃為詩曰綵衣我已登黃閣
白社君猶困故廬自是行逢稍優給之未幾給事中李
昉至昉亦洵美同年也相見話舊不覺號慟古人布衣
交不及此也久而忤行逢無鑒乃貶為易俗場官湏臾
又使人詐為山賊突入公署殺之聞者無不痛惜後李
昉再奉命詞南岳知洵美墳在近乃為詩吊之曰今日
向君墳呼過不勝懷抱暗酸辛李現象為節度副使以

行逢嚴酷恐其及禍乃寢紙帳臥紙被行逢信而周之
凡軍府事無輕重皆決於現象而觀象性多嫉忌好蔽
人之善零陵儒士蔣密能吟咏頗得風騷之旨嘗題桑
云綺羅因片葉桃李謾同時大為作者所許現象聞之
佯驚曰此漢詩何蔣密之能為士林以此鄙之及行逢
病又托疾復命子保叔師尊之且謂保叔白麾下將校
有兇狠誰制者除之已盡惟衡州張文表耳吾死之後
此人必叛萬一不可敵當舉族北歸無使骨肉落虎狼
之口言訖奄然而逝未數月張文表果叛於衡州舉舟
師順流而下以襲長沙時行軍司馬廖簡知留後事方

與軍吏聚會有報文表至簡素輕表殊不介意且謂軍
吏曰黃口小兒到而擒之何憂乎乃伐鼓飲酒如初於
是至晚文表已入城麾軍直至會所時簡已醉不能發
弓矢唯按膝作氣而已文表親以戈戮之在坐間遇害
者數十人時保叔年方十三而英爽有膽氣間間叛歎曰
先君可謂知人矣僕雖無能安可使軍國落此賊手乎
遽命部將楊師璠與萬餘衆討之及師璠將行又親出餞
送仍泣對三軍曰先君薨背墳土未乾而兇賊悖逆實
保叔不孝所致也安敢勞於諸君諸君以先君之故無
忘戮力苟滅此賊安先君於地下足矣各希勉之其吐

氣發言義形於色三軍無不感激然保叔權猶慮其敗且
馳表而乞師未逾旬而師璫已大破文表於平亭津仍
襲文表之首於是餘黨皆戮初文表將叛猶豫未定有
從者夜夢文表額上出一龍及明以告而文表大悅曰
此天命我也於是舉兵及敗論者以龍神物也而出於
額是禍將作神出焉保叔以文表已滅且命使止師不
意正師已破江陵而逼境矣保叔權懼召李觀象觀議之觀
象曰夫請王師者以討賊張文表故也今文表已破而
王師不還豈非朝廷將有事於南地乎然我國之所恃
者江陵之在北境耳今江陵已束手不能自救其所且

欲與王師相拒此所謂魚入沸鼎而更鼓腮掉尾其可
免乎惟公善自圖之無失子孫萬世之利也保權不得
已乃出郊迎王師且請入覲天子聞而悅之命以禮遣
既至宗族封拜有差差先是行逢頗以淫祀為患管内祠
廟自非前代有功及民者皆令毀折之約省祭祀之費
三分之一時有識之士忻然以為明斷及末年酷信釋
氏每一歲之間設大會齋者四季無非破耗國用仍度
僧建寺所在不輟因暇復召群僧於府中講唱而已自
執爐焚香以聽至披緡之士雖三尺童子皆搶地伏拜
之雖梁武篤好未之加也故君子知其不克永世矣

三楚新錄卷之二終

三楚新錄卷之三

儒林郎試秘書省校書郎前桂州修仁令周羽翀編

高氏諱季興字貽孫峽州峽石人也東魏司徒昂之後
幼好武而有膽氣乾符末所在寇賊競起時梁祖為元
帥專征伐潛有飛揚跋扈之志思得義勇者與之同力
時季興潛察之乃謁梁祖於郊祖見之悅尋拔為制勝
軍使其後累從征討以功授宋州團練使未几移授荆
南兵馬留後及梁祖禪代正拜江陵尹兼管內節度觀
察處置等使季興以江陵古之重地又當天下多事陰
有割據之志乃大興力役重築城壘執畝者逮十數萬

人皆將拔賓有負土助焉其郭外五十里墳冢皆令發掘取磚以甃之及土功畢陰慘之夜皆聞鬼哭鬼火數起將撲之奄然而滅如此者累月方定論者以為發掘墳冢使幽魂不安故也時諸侯爭霸急於用人進士梁震登第後薄游江陵季興請為掌書記震性抗直臨事敢言時莊宗反正下詔徵諸侯王入覲季興忻然奉詔將行震諫曰朝廷自反正後有吞併諸侯之心若我繕甲以自守犹恐不保其地况敢拋棄軍國千里入覲哉且又今之諸侯為梁朝舊人者唯公耳安知朝廷不以讐敵相待邪幸望圖之無使懷王之患復見於今日也

季興曰吾計決矣多言奚為及至莊宗果欲留之及歸值夜將吏父老出迎於郊外季興乃握震手曰不聽君言幾葬虎口初季興方對莊宗謂之曰今天下負固不服者謂吳與蜀耳朕今欲先有事於蜀而蜀地險阻尤難之江南才隔荆南一水耳朕欲先往之卿以為何如季興對曰臣聞蜀國地富民饒獲之可建大利江南國貧地狹民少得之恐無益臣願陛下釋吳先蜀時莊宗意亦欲伐蜀及聞季興之言大悅未踰年莊宗伐蜀季興私自喜曰此吾以計紿之彼乃信而用耳未幾遣使冊季興為南平王季興謂震曰此恐吾與蜀連衡故也

及蜀破書至季興方食乃落筋而嘆曰此吾之失計也
所謂倒持太阿授人以柄梁震曰大王勿憂今蜀雖破
未必為福未几幾莊宗宴駕果再亂亂一如梁震之言初季
興嘗後梁祖出征引軍旦發至逆旅未曉有一媪秉燭
開門而迎甚禮甚謹季興頗疑而問之媪對曰妾造夢
金甲神人推門呼曰宜速起有王者來及起開門果有
君子至豈非所謂王者邪所以不敢褻慢耳季興大悅
後果然洎季興卒從誨立震獨不悅謂所親曰先王平
生與吾相見兄弟之不若也今日之下安能屈節北面
復事其子邪於是求解職退處於郊外灌園鬻蔬為別

業稱處士每從誨以事召至府側倒跨黃牛徃徃直造
廳事前呼從誨不以官闕止稱大郎君而已從誨以其
先王舊人不忍以過殺之有李載仁者唐室之後也唐
末避亂於江陵季興署為觀察推官載仁自負文學常
感季興見知每從容接待不為少禮然為性迂緩一日
將赴季興召方上馬無何許曲相歐載仁怒且命急於
厨中取飴并諸肉今相歐者對食之仍令軍將戒之曰
如敢再犯必當以猪肉中加之以酥聞者無不咲之反
從誨嗣立有孫光憲者本成都人也旅游江陵方圖進
取從誨辟之用為掌書記自是凡牋奏書檄皆出其手

載仁見位而已由是載仁遂與光憲有隙光憲猶能避
之故論者多光憲先憲每患兵戈之際書籍不備遇發
使諸道未嘗不厚無金帛購宋馬於是三年間敗書及
數萬卷然自文學常快快如不得志又嘗募史氏之作
自恨諸侯幕府不足展其才力每謂交親曰安知獲麟
之筆反為倚馬之用因吟劉禹錫詩曰一生不得文章
力百口空為飽煖家有梁延嗣者復州景陵人唐天成
中將兵守復州監利季興之入覲也莊宗欲殺之既而
逃歸益懷怨憤遂以兵攻取復之監利沙二縣廼嗣兵
敗為季興所獲至從誨既立擢為大校遂承制授歸州

刺史未几又遷復州團練使仍掌親軍延嗣雖起非行
陣自以累興戎事終年十九諱健見士卒之語每聚談
或有傷犯之者往交游變為仇讐光憲與延嗣年甲
相亞居嘗自謂筋力不衰一旦赴毬場上馬左右扶持
者甚衆延嗣且在後咲曰孰謂大卿年老而彌壯觀其
上馬輕健良由扶持者衆爾光憲乃回顧曰非因衆扶
蓋是老健延嗣不勝憤怒論者少之有王惠範者平江
軍節度保義之子美風儀好讀書初保義之奔荆南也
季興以為行軍司馬未几生惠範及長以門蔭為文學
累遷觀察推官從誨立以女妻之且以惠範本將家子

欲使自幕府事掌內外軍政惠範為人閑談不羈聞之不悅入告從誨且辭之自是復以從誨為不知已至軍國之事皆不參預但以金帛購求古書圖畫日以披玩為志焉建隆三年武定軍節度周行逢薨子保叔嗣位衡州刺史張文表不服舉兵及直入長沙殺行軍司馬廖簡保權惧告急朝廷乞王師為援朝廷遣宣徽使李處耘領兵萬餘人救之李以路由江陵慮繼冲不測先遣使諭之曰比者王師救應東道之主誠在足下然利在急速故不淹留但假一鄉道使於城外經過幸矣繼冲將許之猶豫未決有大校李景威者素勇悍越次白

繼冲曰兵尚權變城外之說實不可信以臣觀之彼實欲乘釁伐我耳况今精兵數萬自先王已訓練備矣景威雖不才願盡以相付不顧性命為大王拒之繼冲聞之曰事未可知爾勿憂也及王師至果如景威之言繼冲大惧乃不得已出郊迎王師且詣學公乞上表入朝李公飛騎以聞天子大悅遣使就除繼冲徐州節度使便道赴任蓋孫光憲之謀也景威以其不用已謀遂扼喉而死繼冲聞而傷之先是荆南尚使斃器皆高其足而公私競競置用之謂之高足碗至大軍一臨舉族東遷高足之識一朝應之蓋由天命信矣哉

三楚新錄卷之三終

傷目任儀曹子田元廣抄校

孫壯藏書印



